

PERSII TREVI AD LIBRVM

DE SÉRO LACTIS

STEPHANI RODERICI

Castrensis Lusitani

DECLAMATIONES,
seu priuatæ quædam ac domesticæ
Exercitationes.

*Errato meo nulla venia. Rectè facto
exigua laus. Cicero con. Rub.*



*Lor. Jan B.S.
Jusur.*



PARISIIS,

Apud SEBASTIANVM CRAMOISY,
viâ Iacobæâ, sub Ciconijs.

M. DC. XXXII.

CVM PRIVILEGIO REGIS

ex Loro Auctore

BIBLIOTECA NAZ.
ROMANA
ANTONIO EMILIO

2.8. 1914
1914

2.8. 1914
1914

2.8. 1914



CLARISSIMO VIRO D. D.

FR. CITESIO

CONSILIARIO ET
MEDICO REGIO EMINENTISS.
Card. Ducis de RICHELIEV
Clinico atque Facultatis Medicæ
Pictauienfis Decano.



*VID cause sit cur com-
muni quodam sensu
Nationes Vniuersæ
tantum hospitibus tri-
buant, ut eos venerandos pu-
tent, & iure sacrosancto velint
esse, non est huius officij quarere:
neque sinit humanitatis tuæ to-
ties Elegantia perspecta, ut eam
magno verborum ambitu & ra-
tionum momentis, vel circum-*

ueniam, vel irrumpam, ne de
candidissimis moribus tuis, &
urbanissimis durius aliquid ad
repulsam videar subuereri. Ne-
que verò unquam barbaram il-
lam & immanem ξενολογίαν pro-
basti, ut iam addubitem ne si de-
ductus sim hospitis ac peregrini
hominis, aut inurbanè accipia-
tur, aut ferociter eijciatur. In
aduenam certè paucis ante die-
bus ex insperato incidi Romano
schemate indidémq; Româ pro-
fectum; ac, quæhuius Urbis in
amplitudine tanta solet esse de-
erratio, Vagantem & incertum
sui. Hunc igitur excepi domo, sed
cùm clarissimæ Urbis lucem qua-
reret, è que domesticis tenebris in
solem prodire vellet; diuersorem
ad te (Vir clarissime) deduxi.

Atque aliquanto etiam audacius quàm solerem, quod cùm intelligerem ingenij te comitate inferiorē esse nemini, tum hospitem meum tibi studiis parem Et ad instituta moresque tuos appositum viderem. Excipies igitur ingredientem amico amplexu, fouebis humanitate blanda, defendes authoritate summa. An potius hospitalis illa tua Minerva cui se deuouet atque addicit Clypeo teget, hasta ulciscetur? certē impetrabit à te patrocinium, qui nemini vnquam tuam opem denegasti. Vale Vir ornatissime Et diuturna valetudine fruiere quā arte tua omnibus impertiris.

Tuus addictissimus seruus
SEBASTIANVS CRAMOISY.



TRIVM VIRIS

MEDICÆ REIPUBLICÆ

constituendæ Hippocrati,

Celfo, Auicennæ,

SER. EPITIMIVS DICÆVS.



SENTIBVS Vobis,
Viri Asclepiadei, senatus frequens in Apollinis
æde habitus est iv. Cal.
Septemb. Complura ex consuetudine
relata fuerunt ad amplitudinem,
splendorémque Reipub. nostræ per-
tinentia: inter cætera verò, quæ ma-
ximi interesse videbantur, relatum
fuit à C. Philetio Lusitano *De Sero*
Lactis, déquē eius vi & facultate.
Senatorum plerique vel tanti viri
auctoritate permoti, vel (quod de
Romanorum nonnullis, Mediola-

nensibus, Neapolitanis, ac Patauinis
 mihi renunciatum est) ab eo palam
 ambiti & rogati, in eius sententiam
 descēdebant. Quinimo cū non Se-
 natores modò, verū etiam, quibus
 in Senatu sententiam dicere licet,
 eodem omnes pedibus irent, iam-
 iamque Senatusconsultum instaret,
 P. Philalethus Tribunus plebis in-
 tercessit, vt ne quid detrimenti no-
 stra inde Respublica caperet. Itaque
 ex S. C. mandatum est mihi Ser.
 Epitimio Dicæo, de re vt cogno-
 scerem, cognitaq; referrem ad Vos,
 vt inde, Viri sapientes, videatis, quid
 è re sit nostræ Reipublicæ, interpo-
 sitoque decreto de tota controuer-
 sia constituatis. Dij Vos nobis ser-
 uent incolumes, & nostræ Reipub.
 Cal. Septemb. M. Gilopho iterum
 Conf. sine Collega.

Castris
 Romanos
 Medicos,
 Neapoli-
 tanos, Pa-
 tauinos,
 & Medio-
 lanenses
 per litte-
 ras roga-
 uit, vt
 scripto fi-
 bi præsto
 essent,
 suoque
 commen-
 tatio pro
 suis quis-
 que viri-
 bus opem
 ferret.

LECTORI

ΕΙΣΗΓΗΣΙΣ.



QUISQVIS es, Lector, animo hîc adesto. Lege, cognosce, perpende. κερκῆ personam induo. Lapsus, culpas, oscitantias, si quæ sunt, notare mandatum est. Laudationibus & præconiis non hîc locus, persona, quam sustineo, renuente. Iniurias, convitia, detrectationes, quibus aspersi sunt criticorum libri, procul abesse iussi; iocis & facetiis tantum contentus. Tu æquus esto, non invidus; acer potius, quàm lenis; non tam religiosus & sanctus, non profanus, non impius; sed comes, apertus, urbanus, ingenuus. Ne personam spectas, sed rem; ne ætatem, sed consilium: omnia æqui boni consule, utpote è bona mente profecta. Vale. Romæ Idibus Septemb. 1631.

PERSII



PERSII TREVI

AD LIBRUM

DE SERO LACTIS

STEPHANI RODERICI

Castrensis Lusitani

DECLAMATIONES,

*Seu privatae quaedam ac domesticae
Exercitationes.*

*Seri frigiditas: Num ex aciditate hæc
argui possit? An serum sicut lac
frigidum?*

CAPUT I.



VÆ de sero, vir clarissime,
non quæ de lacte à te scripta
sunt, hîc perpendere consi-
lium est. Itaque posthabiro
primo libelli tui capite, in quo circa la-

A

ctis naturam partesque versaris, ad secundum statim accedo: idque eo libentius, quod magnis tu dissidiis hinc tumultuari incipias, quodque & mihi ex eodem loco difficiliore multò dubitationes: in ipso eius capitis vestibulo tecum mihi lis est & controuersia. Hæc sunt tua verba: *Quod de lacte diximus, sero potest adaptari, videlicet ex facilitate acescendi si reponatur frigiditatem colligi: acescit serum sicut lac, ergo sicut lac frigidum censendum est.* Tuum hinc consilium est, feri qualitates expiscari; & ex facilitate acescendi frigidum esse probare. Ego verò sicuti de feri qualitate ferè tecum sentio; ita à te omnino dissentio de modo eius qualitatis inueniendæ. Nam præterquam quod etiam calida, vt vinum, facile acescunt, ex acescendi promptitudine acescentis frigiditas intelligi non potest. Firma sanè mihi ratio; si ex promptitudine ad aciditatem contrahendam rem acescentem frigidam esse statuere liceret; profectò quò res ad acescendum promptior, eò frigidior existimanda. ergo serum frigidius multò papaueris succo, cicuta, mandragora, hyoscyamo. Aperta res est, cum constet ex Galeno serum his omnibus longè facilius acescere: liquidò

constet 4. simpl. 15. *Quæ summè nos refrigerant*, inquit Galen. *velut cicuta, papaveris succus, hyoscyamus, mandragora, minimè omnium acida sunt.* Inquies hanc te Philosophiam mutuatum esse ex Galeno, loco fortasse nuper laudato (nam vix aliunde eam tu compilare potuisti.) Profectò inde intelligi tantum potest, ad hoc ut res quæpiam contrahat aciditatem, necesse esse, ut ab externo alienoque afficiatur calore: non quidem vincente & superante, sed alterante tantum & immutante, ut ex ructibus acidis liquidò constat. *Nam hi, cum nulla planè facta est ciborum alteratio, provenire non solent; sicuti* Galenus
ibid. *nec ubi optimè cocti, sed tantum ubi semicocti fuerint.* Quod quàm sit alienum à tua Philosophia nemo non videt. Tu verò tantum tribuis tuæ isti aciditati, ut vnumquodque ea explorare posse autumes. Non solum enim seri qualitates naturamque ea explorare contendis, sed eius etiam gradus metiris; atque aded cum lacte mutuam aperis cognationem; imò cum caseo apertam affinitatem; *In sero*, inquis, *cognoscitur pars caseosa, tum odore, tum sapore, tum etiam albedine, necnon etiam ex facilitate acescendi, si reponatur.* Meherculè tua ista aciditas præstantior est

Pelei machera, gladioque Delphico, aut mirabilior optico Galilei tubo; cum ea sola in sero, in lacte, in caseo qualitates naturamque perscruteris, explores omnia, ac perspicias. sed præstat iterum te loquentem audire: *Acescit*, inquis, *serum sicut lac, ergo sicut lac frigidum censendum est.* serum sicut lac frigidum? aperte falsum. lac enim non solum acriusculas illas, calidasque feri qualitates obtinet; sed butyri etiam calore (nam huic non calidas modò, sed igneas inesse partes, scribis ex Libanij sententia cap. 8. tui Comment.) præditum est. Ergo plus lacti, quàm sero caloris inest; plus sero, quàm lacti inest frigoris. serum ergo non *sicut lac frigidum.*

Dicet aliquis tui studiosus, amanter interpretandas esse auctorum sententias, in æquiore semper partem accipien-
das: serum sicut lac frigidum, non ita intelligendum est, ut eodem, quo lac, frigoris gradu præditum sit: sed sicuti lac ex aciditate innotescit esse frigidum; ita ex eadem feri frigiditatem innotescere. Ceterum (dicam liberè) nimis tu amicus es, amanter nimis accipis Roderici verba, cum ita loquentem eum facias, ut loqui potius deberet, quàm ut verè

loquitur. Ego verò *Æthiopem ex vultu in-*
dico: quæ loquitur attendo, non quæ lo- Paræ-
miogra-
ph.
 qui aut tu cum velles, aut is omnino de-
 beret: candidè tamen semper, sine fūco
 & fallacia more maiorum. Sed rem dili-
 gentiùs examinemus: *serum sicut lac frigi-*
dum. Particula *sicut* similitudinem signi-
 ficat inter lac & serum. Ergo vel in spe-
 cie hæc esse debet, vel in gradu. In hoc
 esse nequit, vt meis vñtus argumentis,
 tute nuper factus es. Neque in sola spe-
 cie, hoc est, in solo frigore: quia si serum
 inquires esset frigidum sicut lac, habita-
 tantùm ratione speciei; ego sic impunè
 loquor, serum frigidum est sicut lactuca,
 sicut papauer, cicuta, mandragora, hyos-
 cyamus, opium, &c. absurdissima hæc
 loquendi ratio absurda non esset ex te, si
 particula *sicut* non gradum designaret,
 sed speciem.

Neque tergiuerferis effugiens argu-
 menti mei vim. Hoc attende, omnino
 attende, *sicut* similitudinem significat
 vel in specie, vel in gradu: siue vel com-
 munem, vel peculiarem; non aliam, quia
 nulla prætereà esse potest, ne animo qui-
 dem ficta. Itaque non effugies pericu-
 lum à meo tibi tuæque doctrinæ immi-
 nens argumento, etiamsi *Lanercum gesta-*
res baculum.

Plin. lib.

15

Quenam feri partes calidiores, aut frigidiores sint? Tenuioresne, an crassiores? Galeni locus expensus.

C A P V T II.

DE partibus feri crassioribus, deque tenuioribus litem infers aduersario tuo, censenti, crassiores feri partes calidiores esse; tenuiores verò frigidiores. Tu autem argumenta à Galeno mutuatus iuras, fieri non posse, ut, quod frigidum est, tenue vllò sit modo. Ceterum, amabo te, Galenum audiamus loquentem; *Aq̃ quæ quidem absolutissimè tenuium partium sit, substantiam exactè frigidam inuenisse fortasse non est.* Hic tria notes velim; *absolutissimè, exactè, fortasse.* nam ex hoc Galeni loco, quæ *absolutissimè* tenuium sunt partium, *exactè* frigida *fortasse* non reperies. Cui simillimus est locus 4. simpl. 15. *Non enim subtilis essent essentia, si exactè essent frigida.* Ergo absolutissimè exactèque frigida ea sunt, quæ subtilia tenuiaque fortasse esse nequeunt. Huiusmodi autem an sint feri partes tu, tumet iudex esto. sed, quæso te, aduerte

mediam aëris regionem postrema longè
frigidiorē tenuiorēque: Cardani æ-
therem frigidissimum omnium, & te-
nuissimū, Vitrioli spiritum oleo tenuio-
rem frigidiorēque, seu minùs calidum:
Rosarum aquam succo & frigidiorē &
tenuiorē: Acetum simplex, aut potius
stillatū, quouis generoso vino vt fri-
gidius, ita tenuius. Dictum est de te-
nuioribus, de crassioribus modò non-
nulla adiiciamus. Has tu putas frigidio-
res esse: ego verò calidiores. quod vt
ostendam exactam accerso distillandi
artem, veram separationem. Crassiores
feri partes Hermetis arte separatas,
amariusculas esse, siue potius falsas, ac
nitrosas, lingua palatumque testis est.
Nam quæ vasis fundo hærent eis, quæ
fursum repunt, vt crassiores sunt, ita ma-
gis falsæ, magisque nitrosæ. Neque chy-
micam artem, ceu hac in re futilem, &
impostricem reicias; quia non per ima-
ginationem secretis de feri partibus, sed
per veram separationem seiunctis ratio-
cinandum. vnusquisque enim sibi fin-
gere potest, partes intellectu separatas,
crassiores quidem frigidiores esse com-
minisci, tenuiores verò calidiores. sed
hæc vana est, & futilis philosophandi ra-

Hippo-
crat. lib.
præcept.
c. 3.

tio : nam *insistendum est iis quæ fiunt, si quis optimum habitum sibi comparare velit.* Ergo experimentis non figmentis ratiocinandum. Videmus seri partes, verè non fictè separatas, crassiores, tenuiores : illas sensu ipso (gustatu) percipimus esse salvas ac nitrosas : optimo ergo iure calidas esse affirmamus. has nulla falsedine præditas, sed quasi acidiusculas, vel ad aciditatem vergentes : ergo iure affirmamus esse frigidas. Quid ergo ? experimentis, non figmentis pugno : non fingo partes separatas, de quibus quodlibet ipse mihi creare possum, quodlibet fingere ; sed reuerà separo, quas sensus æstimat, acclamante ratione.

Neque dicas, quod in fundo vasis subfidet, caseum esse, ignis vi excoctum, quia præterquam quod

Homer.
Odiss 2.

Dedecori res ista profecto dedecus addit. & ipse dicam, tuū id esse commentum, nulla fultum ratione. quod sicuti tu gratis asseris, sola assertionem munitus ; ita ego sola negatione contentus idem improbare possum. Proba, & annuam. Ego sanè haud difficulter tibi probabo, nitrosas, non caseosas eas esse. Nitrosas in sero inesse partes, auctor est Mesues, hac in re ferè omnium fide dignissimus. Has

chymica industria secerni posse, ne is quidem negabit, qui odio plusquam variniano hermeticam prosequatur, ne Riolanus quidem, qui hermeticis acre bellum indixit. nam purum ab impuro, crassum à tenui chymica sciungi posse arte, nemo sani syncipitis negare potest. Quod igitur in fundo vasis subsidet, cum crassum sit, amariuscule, ac nitrosum, eas esse seri partes, quæ à Mese nitrosæ dicuntur, omnino verisimile est: imò verisimiliùs multò, quàm denuo esse genitas caloris vi. sed hæc innuerim potius, quàm probauerim. opportuniùs enim, deditaque opera capite nono, ubi quæritur, an nitrum insit in sero.

Costæus adversus Rodericum & Mercurialem defensio. Perpensus Galeni locus à Roderico perperam acceptus.

C A P V T III.

N VLLVM ferè prætermittis locum Mercurialis laudandi, extollendi. neque sanè id repræhendo, immo

effero summis laudibus. Illud tamen ægrè fero, non id te Mercurialis laudatione, sed Costæi potius repræhensione præstitisse. sed, ut ut est, perpendamus, quæ à Costæo, quæque à te vnà cum Mercuriali scripta sunt. Ille Galenum, & Mesuem, de feri qualitatibus discrepantes, componere contendens, ait, ferum dici posse calidum, si ad purgandi facultatem referatur; frigidum, si ad semetipsum, ad humorem & aquositatem suam. (nam libenter perspicuitatis gratia, cum *Care carissè*) Repræhendis hæc repræhensione è Galeno accersita 1. simpl. 2. vbi scriptum est, medicamenta respectu naturæ corporisque nostri statuenda esse calida, v. g. frigidauc. Nam cicuta cum humano corpore cōparata frigida constituenda est, & fortasse summè frigida; comparata verò cum sturno, non ita: cūm nos interimat, sturnos alat, ferè temperata eorum naturæ existēs. Verum quidem hoc, V. C. veraque Galeni mens: sed (pacc tua dixerim) animaduerristi quidem quod in calce eius Galeni capituli scriptum est, optimèque, ut postrema solent, id tenes memoria; sed quod in fronte eiusdem Galeni capituli scriptum est, omnino excidit. *Aurem velle;*

Dioge-
nianus
in Parce-
miis.

aut saltem patere, vt quasi *ex Illiote ducam*. Audi Galenum his verbis caput secundum exordientem, *imprimis & maxime sumendum est iudicandæ facultatis experimentum ab ea re, ad quam dicitur. siquidem non protinus si hominem refrigeret cicuta, & sturnum refrigerabit*. Imprimis, & maxime inquit Galenus sumendum est experimentum iudicandæ facultatis ab ea re, ad quam dicitur: ergo non ab ea solum, non omnino ab ea. Etenim etsi cicuta longè minùs sturnum, hominem longè magis refrigeret; & ex se tamen suapte natura frigida est. Quare puto, à re, ad quam dicitur, non omnino desumi qualitates medicamentorum, sed eorum potius definiri gradus. Vnde cicuta fortasse summè frigida erit homini, sturno verò quasi temperata; cum hunc nutriat, illum interimat. Itaque non evertis Costæi conciliationem istac è Galeno à te deprompta auctoritate: immo nolens & inscius eam fulcis multò firmiùs. Ceterum reuerà Costæus ad Mesuem ea ferè affirmat, quæ tu cum negare dicis. Lector, si lubet, vide locum, vide Galenum à Costæo ibi expressum.

Heliodorus
lib. 2.

*Vnde fero purgandi facultas ? Num
ex butyro ? Quanam ratione ac
vi serum purget ?*

C A P V T I V.

LONGE' maius, sed amicum, mihi
dissidium hîc tecum est. Eam, quæ
fero inest, purgandi vim è butyro con-
tendis emanare: ego, non è butyro, con-
tendam: primò quidem Galeno & Me-
sue, mox ratione, demum e experimentis.
Hisce tribus quasi tripartito agmine
munitus, tecum ita congregiar; vt tu
aut victus mihi manus dare cogaris, aut
saltem fuga salutem petas. sed concur-
ramus, levis primò armaturæ milite. Ga-
lenus 3. de alimentorum facul. 15. si quis,
inquit, ex lacte, lapillis, ferrisue ignitis
serum absumat, interire ait purgandi fa-
cultatem, alui cohibendæ vi accersita.
Verùm quia lac, omni fero spoliatum, fa-
cilè in stomacho cogitur in caseum, pro-
pterea aut mel, salemque adiungit, aut
superinfundit aquam. Quia verò non
nemini mirum videri poterat, Galenum,
& antiquiores, cò sedulò incumbentes,

vt à lacte adimant aquam propriam, aquam tamen, quasi pristini consilij per-
tasos, lacti affudisse, proinde subdit Ga-
lenus, *Non enim humiditas est, quam fu-
giunt, (medici antiquiores) sed acrimo-
niam, cuius occasione lac omne aliud subducit.*

Itaque lac ex Galeni sententia à sero
mutuatur purgandi facultatem: à sero,
inquam, hoc est, ab eius acrimonia, non
humore, &, vt ita loquar, aquositate.
Hæc autem acrimonia quidnam sit, qui-
busue insit seri partibus, tu, aut alij vide-
rint. Nolo enim impræsentia tibi vel li-
tigandi, vel tergiuersandi ansam præbe-
re. Illud omnino affirmo, eam non esse
butyrum, neque butyro hære: ac pro-
inde non ab hac serum purgandi facul-
tatem accepisse. A quonam igitur? A
nitrositate, si credimus Mesuæ; ab acri-
monia, si Galeno. Te verò, qui neutri
credens è butyro eam depromis, philo-
sophantem audiamus, audiamus nouam
istam tuam subtilemque *ὑπόθεσιν*; se-
rum, inquis, cùm aquea sit substantia,
immo aqua ipsa, ex se nullam habet pur-
gandi vim: ergo ab alio quopiam eam
mutuetur necesse est: non à casco, ergo à
butyro: nam pars in lacte prætereà nulla.

Sed, amabo te, mi Roderice, quidnam

tibi vis feri nomine? Conueniamus primò de re nomineque. Humorem ne & liquorem illum, è ceteris lactis partibus sciunctum? Nimirum. Cur hic ex se purgandi vi non pollet? Quia pura, inquis, est aqua, pura puta. Hic fanè te aucupatus sum, nec profectò euades ab aucupio: nam verè

Ouid. de
arte.

Decidit in casses prada petita meos.

Humor ille pura est aqua, ex se ad purgandum inepta, admisti butyri beneficio purgans, vt ais. At si ita, cur idem non præstabit elementaris vulgarisue aqua eodem permista butyro? Meherculè butyri guttulis cum aquæ amphora propinatis, vberrima expectanda tibi esset purgatio. & omnino expectanda, si de butyro, seroque ex animo scribis. Etenim nec aqua feri quicquam impertitur butyro, quod idem elementaris impertiri nequeat; nec butyrum feri aquæ, quod idem puræ putæ nequeat impertiri.

Dices, hoc interesse inter elementarem & feri aquam, quod hæc acris sit, ex Galeni sententia, ex Mesue nitrosa. Hęc cauillatio est mera cauillatio, *Nec unquam tibi erit Hermionis vice.* Nam velim dicas, aqua lactis purgat ne huiusmodi

Aristo-
phanes
i. sec-
e 13.

acrimonia, aut nitrositate? si purgat, ergo aliunde sero purgandi facultas, quàm ex butyro: sin. minùs, ergo nihil interest inter vulgarem & lactis aquam. Neque dicas, purgare quidem, sed infirmè; addito verò butyro, valentiùs; quia hoc nouum est commentum, tuo non adscriptum commentario, imò ei omnino repugnans. Iam verò visne clariùs intelligere, serum non è butyro purgandi facultatem mutuari? considera bubulinum lac, considera asininum. Quod nam ex his ad purgandum (ad soluendam aluum semper intelligo) valentiùs, hoc, an illud? hoc meherculè. nam non Galenus modò hoc eligit, quippe valentiùs, illo posthabito, quippe infirmiore; sed omnes omnino Medici. At hoc minùs butyratù, illud multò magis. Non ergo butyro purgat serum, sed sero, hoc est sua, non aliena vi & facultate.

Præterea Medici omnes consueuerunt (à qua tu consuetudine nullo modo abhorreere debes) vt sero purgent, diligenter illud à butyro separare. Hoc sanè aliud esset nihil, quàm, si vera scriberes, omnem sero purgandi facultatem adimere. At illi eò feliciùs purgationem futuram expectant, quò diligentiùs se-

rum non solùm à caseo, sed etiam à butyro abstrahunt.

Sed, si me amas, paulisper attendamus Galenum. Lac asininum magis aluum subducere, quia serosius, ait 4. Acutor. 109. & 3. de alim. facul. 15. ineptè: quia butyrosius dicere debuisset. At reuerà nō butyrosius, sed serosius, id est, butyro omnino contrarium. Ergo falsò, ne dum ineptè. Hac ratione ludificare liceret præstantissimū virum, Principem senatus nostri (nam Hippocrates perpetuus est Medicinæ Dictator) si vera scriberes:

Accedit, quòd emplastica butyri vis est ex Galeno v. simpl. at ex eodem cap. v. lenta hæc crassaq; sunt, obstruunt meatus, facilè firmèq; adhærent, segnitèrque extruduntur. ac proinde vel inepta, vel non ita, vt tu prædicas, apta ad purgandum. sed hæc tua sententia (fas sit loqui)

Iuena-
lis.
Plutar-
chus.

Nata infelicibus aëibus, adolescere non potest; mihi crede, ἐφ' ἡμέρας ὄσι, & penè dixerim, φάρμακον ἐφ' ἡμέρας.

Iam verò audio, qui obiiciant, me destruere quidem doctrinam tuam, meam verò non construere. si serum butyri beneficio non purgat, qua ratione purgabit, quo adminiculo? Nullius: aqueo tantum suo humore, sua tantum acrimonia,

nia, sua nitrositate. Ergo abluendo, tergendóque, vellicádo, stimulado. Num etiam electiuè, vt vocant? Anceps hæreo, & in portis, vela facere non audens; septimo tamen huius opellæ capite *vela ventis permittam* Hippocratis auspiciis, lenissima eius, vt spero, aura prosequente. Interim ad caseum tuum recentem accedamus hilari animo, auido palato. Iuras aluum ciere recentem caseum cum melle sumptum promulsidis loco, ante alios cibos, idque butyri admisti beneficio. Fieri ne potest, vt tantum tribuas tuo isti butyro, vt vel guttam, quam in recenti caseo expiscaris, aluum soluere credas? Meherculè si butyri loco tantumdem rhabarbari, ac ferè etiam scammonij insereres recenti caseo, vix eam, quam tu de butyro spondes, purgationem patraret. Caseum recenter coactú, si sumatur ante alios cibos cum melle, purgare aluum scripsit Galenus. Fateor. An proinde quia butyratum? Minimè gentium; sed quia mellitum. Caseum comede recentissimú absque melle, satia te, vt *Auro Crassus* (absit, non ex animo) recenti caseo, ita fiet, vt re doctus, caseoque ipso admonitus, ab istac tua sententia in nostram disce-

das. Mel autem aluum subducere, notissimum est. Audi Mesuem de sero loquentem; *sed cum imbecillum sit ad purgandum, cum melle sumptum sanguinem potentius purgat.* sed quæ Galenus 3. simpl. 14. de Rb succo scriptum reliquit, aptius quadrant melli, recentique caseo. Ru succum (ut omnino caseus) aluum adstringere, ait Galenus: mistum verò melli eandem solvere. Dubitandum ergo non est, quin recentis casei alui laxandæ vis in mel sit referenda.

Sed ad butyrum, ad caseum Placentinum, Parmensem, ex Hollandia, Belgiaque aduectum caseum velim, mea causa, attendas. Hi aluum subducerent, & ferè diarrhœam concitarent, si ea esset casei butyrati vis, quam prædicas. nam ad eò illi butyrati sunt, ut scissi, butyri guttulas fundant.

Ceterum, V.C. est, cur multi tibi gratias agant, meo iudicio, aut habeant. Magnam enim tu ab iis qui segniori aluo præditi sunt, gratiam iniuisti præstantem eis suppeditans soluendæ alui medicinam. Maiorem certè ab iis, qui prætereà gulæ indulgent, cum non modò præstantem, sed gratam etiam, palatoque suauem eis medicinam apponas. *Omne*

utrique tulisti punctum, qui miscuisti utile dul-
ci, omnique præstantis Medici munere
functus es, qui tuò, citò, incundè curasti.
 sed hætenus de iocis, ne nugari videamur in re seria. Illud omnino peruelim, ut de recenti caseo loquamur cum Galeno, siue potius, nisi tibi graue sit, nosmetipsi casearij munere functi (neque enim dédecet aut Philosophum, aut Medicum vilia hæc tractare: scis illud Athænei, *Zenonis esse & lentem coquere*) illum cogamus ex pinguiissimo lacte, ea scilicet ratione, qua cogendum præcipit Galenus loco citato, *Seroso duntaxat humore per coagulum separato* (sunt Galeni verba) reponamusque ad annum. Quæro ex te, num hic subducatur aluum? sanè, si sani incipitis, non subducere omnino respondebis: etiam si adeò pinguis sit, ut ex eo effluat quippiam ad speciem olei; ut inquit Galenus. Neque dicas vetustate amittere purgandi facultatem, quia ex Galeni loco nuper laudato; vetustate fit calidior ac tenuior; ergo aptior ad purgandam aluum, si vera sunt, quæ scribis. nam tenuitate magis penetrat permeatque, calore purgat magis. ad purgationem enim calorem vndique conquisis, seroque è butyro accersis. itaque ex bu-

Afcle-
 piades
 apud
 Celsum?

Gal. 10.
 simpl.

Lib. II.


tyro paulò calidiori paulò vberiore
 purgandi facultatem nancisceris. Ne-
 que quicquam obiicias de sale, adeò vt
 huius opera & maleficio vetus caseus
 exuat purgandi facultatem. nam sal si
 caseo adimeret huiusmodi vim exiccan-
 do adimeret, absumentóque butyrum.
 at hoc absumptum non est, cum ex eo
 scisso lacrymulæ sese promant. Quinimo
 tantum abest vt sal adimat hanc facul-
 tatem, vt potius impertiatur vberius.
 Attende Galenum 3. de alim. facul. de
 lacte seroque loquentem, *Quòd si ipsum
 magis subducere velis, salis quamplurimum in-
 iicies.* Accusabis fortasse me oscitantia
 inscitiaque, qui, de caseo loquens, Ga-
 lenum proferam de sero loquentem. sed
 audi eundem de ipsomet caseo, *Leniunt,
 & caseum quando ei miscetur sal & mel.*

Sed, obsecro te, V.C. præbe aures alij
 Galeni loco, qui tuam de recenti caseo
 opinionem funditus evertit, qui apertif-
 simè probat, recentem caseum absque
 melle non modò non purgare aluum,
 sed eam potius cohibere, *Caseus recens &
 mollis duro & sicco flatuosior existit, minusque
 quàm durus siccusque adstringit, hoc est aluum
 sistit.* Ergo vterque adstringit, aluumque
 cohibet, licet alter magis, minùs alter.

Sed de casco hætenus : ad butyrum reuertamur. E Græcia video te nauigantem in Arabiam. iurè nauigas. nam irritò Græcorum auxilio, meritò ab Arabibus suppetias imploras. Ex Auenroë butyri beneficio serum purgare contendis, quippe is auctor 3. Coll. x. scripserit, vnumquodque purgans calidum esse. Cùm ergo serum, suapte natura frigidum, nonnisi è butyro calorem, vt ais, mutuari possit, certè nonnisi ab eodem purgandi facultatem. Sed non erat, cur leui hac de causa tam longam nauigationem susciperes, è Græcia in Arabiam vela faciens. Facillimè poteras, minimòque negotio in eademmet Græcia idem expiscari argumentum : *Quæcunque medicamenta purgatoria sunt, omnia valde vrunt*, ait Hippocrates 4. de Mor. & alibi, *Febrienti caput ne purgato, vt ne furiosus euadat; calefaciunt enim pharmaca purgatiua*. Et Galen. *Quæ purgant latentē habent calefaciendi facultatem*. Sed hæc hætenus, ne videar *ἔτι μὲν ἐκ τοῦ δόξεν*. Iam verò è butyro tu purganti sero purgantem calorem accerfis. Iniuria. nam non omnia, quæ quouis modo purgant, calida sint necesse est. Rosæ, violæ, tamarindi purgant fortasse absque calore, & omnino absque

De Loc.
in Hom.

Cic. Att.
lib. 13.
epist. 21.



calore, si tibi met credendum est cap. 9.
Sed esto ad purgandum aliquid caloris
opus esse: nonne hic inest in sero, omni
seposito butyro? Profectò id tu fastus es
paulò ante, acres, calidasque ei qualita-
tes attribuens. Excidit, inquires. Memo-
ria culpam sustineat.

*Butyracea purgandi facultas. Num ex
sefe, an sero mista magis purget?
Quid impertiri, quid mutuari
possit à sero?*

CAPUT V.

CREVIT opus in manu: vrceum
cœpi, sed corrente rota exit am-
phora. Paucis principio te volebam, nūc
tamen pluribus tecum agere necesse est.
Tertia & vigesima libelli tui pagina, ne
lynceus homo (seriò lynceus) in re per-
spicua cæcutire videreris, quamdam ipse
tibi offers objectionem, quam, credo, si
commodo existimationis tuæ facere po-
tuisses, libentissimè subterfugisses. Sed
animus te vicit: audacter ea vltro obie-
ctare voluisti, quæ absque ignaviæ sus-

picione à te pratermitti non posse existimabas. Infirmam, fateris, butyro inesse purgandi facultatem: sero longè firmiorem. non ergo purgandi vis ex butyro deriuatur in serum. Propulsare niteris huius argumenti vim ex violis accersita similitudine: quæ infusæ quidem haud exiguam purgandi facultatem adipiscuntur; absque infusione tamen vix purgant, imò ne vix quidem. Id ipsum, inquis, butyro accidit. nam etsi ex sese purgandi vi omnino exigua præditum est, sero tamen mistum multò validiori pollet. hoc enim *infusionum mater* appellatur à Mesue, *fundamentum infusionum*.

Ceterùm (ita Deus me amet) diu multumque cogitaui, perquisiui, indagaui haud oscitanter, haud negligenter, quidnam impartire possit aut butyrum sero, aut serum butyro, vnde statim atque cōmista sunt, validam purgandi facultatem nanciscantur. Ante misionem vtrumque per se indigens & effæctum, vt ais, post misionem, vtrumque validum. Intende mentis aciem, ingenij viribus neruisque omnibus contende. *Rudentem omnem, omnia demum sacra commoue*, vt aliquid ex hac misione natum, ad purgandum efficacius eruas, nobisq; ostendas.

Plautus
a. 1. f. 1. in
Pseud.

Plautus
a. r. f. i in
Persa.

Sed verè tu aquam è pumice postulas. Neque obsecro te, violas oppone. nam pudet has cum butyro conferre, pudet referre, quæ de ambobus tu assueveras. De violis ita sentio. Purgandi vis in purioribus sita est earum partibus: quæ ut ab impura earumdem substantia obtunditur, & hebetatur; ita elicitur fugiturque per infusionem. Quare ex iis partibus, in quibus cohibebatur, per infusionem abstracta, valentius purgat. Hæc de violis sentio: neque vereor, ne tu eadem sentias: quæ si butyro tuo aliqua ratione accommodare posses, ut tu mecum de violis, ita ego de butyro tecum sentirem. non enim hæc nostra dissensio *Empedoclea similis est.*

Dioge.
rianus.

Ceterum, V. C. liberiùs tecum loquar oportet, bono veterique ritu. Pugnantia de butyro loqui videris. Veritate coactus, fassus es, exiguam hoc habere purgandi facultatem: sero mistum non mediocre nancisci. Conferto hæc, si me amas, cum iis, quæ de recenti caseo à te nuper scripta sunt. Butyrum ibi, aut potius butyri guttulas, in caseosa compactaque substantia, ad purgandum omnino inepta, imò ad cohibendam aluum planè apta, coartatas aluum ciere

affirmas. Hic verò easdem butyri partes, ad hoc, vt purgent, humore ais indigere, caseo omnino contrario. Ibi cogis coartasque butyrum, hic laxas & fundis, vtrobique purgationis causa. Mercurulè si vt Protheus varias contrariasque formas, ita butyrum tuum diuersas indueret facultates: si non propriæ naturæ, sed tuo nutui obtemperaret, quæcunque tu iuberis, illico butyrum exqueretur, non posset, ita viam, tam varia præstare, tam contraria.

*Iterum de butyro, deque sero: Dioscoridis & Galeni loca perpensa;
Mesuæ lux data.*

CAPVT VI.

TIBI fidem non abrogo de Galeni verbis, *Quod à coactis defluit serum satis aluum mouere.* Multò minùs de verbis Dioscoridis, quem sat scio lib. 2. cap. 72. quæ tu affers, habere verba, ea hæc sunt, *Lac quodcunque serum continet implicitum, quod ubi discesserit à lacte, multò potentissimum redditur ad purgandum.* Vtèrque auctor serum à lacte separatum, pur-

Hæc fortasse de prompta sunt ex lib. de Bonit. & vitio succorum cap. 4. Locus nō est à Roderico adscriptus.

gandi vim habere scribunt. Tu verò separatum inquis à caseo ; non à butyro : idque sibi velle tum Galenum , tum Dioscoridem. Longè alia mea est sententia. Perpendamus primò Galeni verba : *Quod à coactis defluit serum satis aluum mouere.* Tria insunt lacti (probè nosti) * caseus, butyrum, serum. hoc cùm defluit, duo relinquit, non vnum; caseum, butyrum : duo, inquam, ex Galeni mente, qui ait à *coactis*. Quod si vnum tantùm relinqueret, hoc est, solum caseum, à coacto, dixisset, non à coactis. Id ipsum sibi vult Dioscorides , *A lacte discedit serum*, nempe à ceteris lactis partibus, caseo, butyroque, nam alioqui à caseo dixisset.

* ita omnino.

Neque dicas, serum à lacte separatum, non omnes exuisse butyri partes, sed aliquas sibi asciuisse, respuisse alias : & illarum quidem beneficio aluum purgare ; quia idem, & quidem veriùs, de caseo ipse affirmabo. nam serum à lacte secretum plus casei, quàm butyri sibi adiungit, vel te ipso confitente alio loco. Cùm ergo caseus alui cohibendæ vi præditus sit, certè serum ab iis, quæ à lacte discedens secum ducit, cohibentem potius, quàm laxantem facultatem mutuabi-

tur. Sed nulla ratione excusare possum, cum apertis verbis asseras à sero nullo modo extrahi butyrum. Hæc sunt tua verba, *Cum autem Galenus dicat, quod à coactis serum defluit satis alium mouere, debemus intelligere id, quod à coactis absque butyri extractione defluit.* Adiungis Mesuæ verba, quibus tuam fulcias ad Galenum & Dioscor. explanationem; sed inuito Mesuæ genio, tuo non mediocri damno. nam tantum abest, ut huius verba acclament explanationi tuæ, ut potius aperte reclament. Hæc habet Mesues ex recta, perspicua, & eleganti Siluij interpretatione: *Fit autem (serum) ex lacte ebulyrato, seu à quo est pingue innatans secretum, quando lubricitatis causam ex partibus excretorijs auferre volumus: ex lacte non ebulyrato, cum eas partes lenire magis & lubricare studium est.* Quid putas sibi velle Mesuem hisce verbis? Ex sero, cum sumi debet ad purgandum butyrum non extrahendum, tua sunt verba. At ipse longè aliud cum sibi velle, & existimo, & probo. Exhibetur serum ex hoc Mesuæ loco, butyro adempto, & non adempto butyro. Illud, cum excretorijs membris lenitate non est opus: hoc, cum lenitate opus est. Itaque duplici modo ex sententia

Mesueꝛ ad purgandum exhibetur serum, ebutyratum nempe, & butyratum: ebutyratum, cum præter purgationem nullo alio opus est: butyratum, cum prætereà exsiccata, asperaꝛq; membra lenire consilium est. Non raro enim accidit, vt excretoria membra præ febrili, alioꝛque calore ita scabra, arefacta, asperaꝛque sint, vt obliniente aliquo, & lubricante (butyro alioꝛque) indigeant. nam alioquin tum quæ in iis conclusa exaruerunt, excrementa; tum quæ aliunde eò prolabuntur, inde elabi non possunt. unde meritissimè Hippocrates. *Præhume-
ctare ante (purgationem) corpus oportet per fomenta, quomagus pharmacis obediat. Serum, addis, melius purgat lacte solo, aut butyro solo, utpote quod melius intestina abluat.* Si serum purgandi vim mutuatur omnem à butyro, non abluendo purgabit, sed obliniendo, lubricando: hæc enim est butyri facultas. Quod si purgat abluendo, sanè purgandi vis non ex butyro, sed ex sese. At, inquires, utroque purgat modo. *Chelyum post vulnera sumis*: imò, (quod æquè dolendum est) palinodiam canis; appingis modò commentario tuo, quod superius negasti, & quidem infelicioꝛi Stesichori evenit.

De affec.
29.

Ouid. 1.
Trist. 3.

Paufanias in
Laconicis.

*Serum an solum ad purgandum , an
etiam ad alterandum apud veteres?*

*Hippocrates, Galenus, Mesues
expensi.*

C A P V T VII.

QUARTO libri tui capite collapsam antiquitatem tenebris , situque obrutam, & in ruinis iacentem suis, erigere contendis. Serum, inquis, non purgationis tantum causa apud veteres in usu positum, sed etiam alterationis. Ex Mesue mox allatis verbis primum mutuaris argumentum. *Quoniam* (sunt tua verba) *Mesues verba pre manibus habemus, quibus ex lacte ebutyrato serum ad lubricandam aluum accipit, ex non ebutyrato autem ad lubricitatem impediendam: antequam ulterius pergamus, considerare oportet iam tempore Mesues serum consuevisse accipi ad alios usus præter purgationem.* Hæc tu: cui primo quidem condono latinitatis crimen de ebutyrato, non ebutyrato: vel potius aliò culpam deriuo in impressores sed vereor, ne tantæ illi oscitantæ culpam sustinere possint, præsertim si hæc con-

Cic. V.
Tuscul.

Scholio-
graphus
in Demo-
sthenem.

ferantur cum iis, quæ pag. 30. de ebutyrato à te scripta sunt. neque enim puto te alterum esse Zenonem Citiaum, verborum illum opificem. sed de latinitate hætenus, & alibi. non enim hîc consilium est, *in alieno foro litigandi*, ne videar, *Omissa hypera pedem insequi*. Perpendamus ergo mentem verbaque Mesuæ. Hic ait purganti sero miscendum esse butyrum; siue maius dicere, butyrum ex eo extrahendum non esse, cum lubricitate opus est partibus excretoriis, eis nimium exsiccatis. Cùm verò eæ partes lenitate à butyro non egent, sero absque butyro purgandæ. Hæc si attendas reperies profectò, serum ad vnum tantum usum à Mesuæ usurpatum, ad purgandum: ad lenitatem verò inducendam, butyrum adiunctum. Ecce alium usum, quem sero tribuis, butyro essetribuendum.

Alterum argumentum depromis ex Galeno 2. ad Glauc; *In victus ratione succus prissanæ abundanter exhibendus, & serum lactis*. Ergo, ais, serum etiam ad alterandum apud veteres. Expendamus, vt Mesuæ, tum verba, tum mentem Galeni. De elephantiasi huic sermo est, calido siccoque morbo. itaque victus ratio ea esse debet, quæ non solum restituat cutes

longo difficillimoq; morbo labefactatas; verum etiam calidum siccumque morbum, seu arescentes partes visceraque corrigat. Nam sicuti cibus, ut cibus, indicatur à viribus; ita, ut calidus, frigidusue; humidus, aut siccus indicatur à morbo. vnde Medicinæ Dictator in Aphor. *Victus humidus frigiditatem omnibus conuenit.* Meritissimò igitur Galenus in elephantiasi pristinam porrigit, & serum. Quòd si hac tu ratione serum alterans medicamentum declaras, sanè & ipse eadem ratione alimenta omnia declaro alterantia medicamenta: cum alimentum ut naturæ amicum, ita inimicum morbo esse debeat. quare Hippocrates, *Dicta morbo contraria.*

Lib. 1.
aph. 16.

6. epid.
sect. 7.

Neque est, cur obiicias, tibi sat fuisse probare, serum ad alium quempià usum (quicumque tandem is sit) apud veteres extitisse, quàm ad purgationem: primò quia usus, quem tu expiscatus es, non ad pharmaceuticam, sed ad diætericam categoriam pertinet: quod certè non versatur in quæstione. Secundò, quia tuum erat probare (quod omnino in inscriptione quarti capitis pollicitus esse videbaris) serum ipsius alterationis ergo à veteribus usurpatum vel eadem, vel non

absimili, qua apud nos, ratione. Proba, si potes, (*& eris mihi magnus Apollo*) veteres eo cōsilio exhibuisse lactis aquam, ut iecinoris, verbi causa, intemperamentum corrigerent; flauam, atramucilem, aut pituitam falsam in pruritu, scabieque demulcirent, ea, qua dixi, ratione.

Iam verò quod appingis ex Hippocratis sententia, *in alimento medicina, optimum*, facis (liberè loquar) parum aptè; & quasi *Plumbeum gladium ex eburnea eductis vagina*: non oppugnas nos Hippocrate, ne umbram quidem nostram. nam Hippocrati sermo est de medicamento purgante sursum, deorsumve; aitque aliquando commodū esse medicamenta alimentis miscere, aliquando incommodum. Tu verò existimas, Hippocratem loqui de alimento, quod medicamenti vi polleat, vel potius de medicamento, quod simul etiam nutrire possit. Quæ quàm distent ab Hippocratis sententia, apertiùs intelliges ex ipsius verbis, *Medicina, inquit, sursum, & deorsum: in alimento medicina, optimum; in alimento medicina, malum*. Quænam, inquires, cum alimento medicina bona, quænam mala? Bona sursum purgans, mala deorsum. nam *Qui*
graciles

graciles sunt, ac debiles à cibo vomant. longè enim facilius est vomitio pleno stomacho, quàm inani. vnde alibi; *Repletus*, inquit, *vomat.* Quinimo & iis, quæ deorsum purgant vtile interdum, atque adeò necessarium est alimentum. nam validum catharticum infirmo stomacho nō nisi cum alimento tutò committes. at in stomacho robusto frustra retunditur, perperamque hebetatur à cibo vis medicamenti. Itaque iurè cum Hippocrate loqui possum, *Bonum & malum ad aliquid.*

Addis vltimo loco, serum etiamsi in victus ratione præscribatur, tamen alterans omnino medicamentum dicendum esse, quòd omnino exigua nutriendi vi præditum sit. sed hæc ἡς βάρως, nullius momenti. nam melicratum in ædiæ affinis est, minúsque nutrit, quàm tuum serum, quod satis butyratum est, satis caesatum. Itaque *gladiis*, vt dicitur, *posthac pugnabis, non vofsellis.*

De salutari Dicitur
ta tex 5
Lib. 2. d
Mor.

Ieiunus
medica-
mentum
ne bibat
2. demor-
bis.
Lib. de
alim. tex
4.

Parce-
miograp

Serum an verè catharticum? Hippocratis mens de hac re aperta.

C A P V T V I I I.

Quærit
Roderi-
cus in
quinto
capite,
quam
feri men-
sura ve-
teres ute-
rentur:
quod cū
innotes-
cat ex
hoc 8.
nostro
capite ci-
tatis lo-
cis; hīc
peculia-
riter dis-
cutere vi-
sum non
est. Ergo
iurè præ-
termis-
sum
quintum
Roderici
caput.

PRætermis-
sum à nobis est, omnino
intactum, primum opellæ tuæ ca-
put, cū nullam exerceas ibi simulta-
tem cum aduersario tuo. Hac eadem de
caussa & quintum prætereo. non enim
vnquam tibi videbor natura φιλόσοφος.
Itaque ad sextum gradum facio: in cu-
ius ipso limine scrupulum offendo, à te
mihi omnino euellendum. Vocas in du-
bium serum an verè catharticum: mox
id negas asseueranter: aisque illud vel
non per se, sed adiunctorum beneficio
flauam bilem, vltamue pituitam purga-
re, vel, si per se, non è longinquo, sed è
ventre solum, vt de absinthio scriptum
est à Galeno. Neutra (dicam liberè) mi-
hi probatur assertio tua. Et quidem mihi
persuaderi non potest, vt tanta humo-
rum copia; quæ à sero educitur, pro-
deat è solo ventre. nam si quantus quan-
tus is est, humor esset, & excrementum,
tanta sanè humorum vis à sero extrudi

non potest: apud vnumquemque puto
compertum esse, serum non solum pri-
ma, secundaue die, sed reliquis etiam;
ad vigesimam vsque, si tam diu serum
bibinecesse fuerit, copiosum promere
humorem. Rosaceum solutium scio te
statim obiectionare. Quæso, ne me cogas
inuehi in vulgus Medicorum. Rosaceum
solutium solam aluum purgare, ij tan-
tum credunt, qui parentum doctrina;
quæcumque ea sit, acquiescentes, iner-
tes & ignaui rem ipsam non speculan-
tur. Quotus enim quisque est tam anti-
quus, & simplex; tam hebes, tam pin-
guis, qui excrementorum vas, à rosa-
ceo extrusorum in solo ventre contine-
ri, in exilibus meserei venis sibi per-
suadeat? Qui profectò è libris, vulgari-
que doctrina vel transuersum vnguem
recedere, crimen maiestatis arbitrantur.
sed hac de re alibi. Hic verò sententiam
nostrā Hippocratis testimonio, etsi ge-
nere Coo, pōdere tamen, auctoritate, ac
fide planè Attico cōfirmabimus. Lib. 2. de
Mor. in erysipellate pulmonis vna tantum
purgatione non contentus Hippocrates;
qua nimirum ventrem primoresque du-
ctus emundaret; aliam adiungit ex lacte
seroque, qua sanè omne corpus, ac præ-

cipuè thoracem à bile vindicaret; *Huic phar­
 macum deorsum purgans bibendum dato* & *lac asinae insuper biberendū, si non natura fue­
 rit splenicus: si verò splenicus fuerit, ne purges,*
neque lacte, neque sero, sed eo, quod modicum
ingestum multum purgat. Hæc Hippocra­
 tes, circa quæ velim animaduertas, sple­
 nico, cui prohibitum lac est, validum
 substitui catharticum. Ex quo sanè in­
 telligi potest, lac aut serum non eo con­
 silio hîc vsurpatum ab Hippocrate, vt
 vel prioris medicamenti reliquias ab­
 stergens abluensque educat; vel vt ca­
 lorem, à calore medicamenti, aliove ge­
 nitum, restinguat; sed vt verè purget,
 electiuè purget, ac validè. quod aper­
 tiùs ex eo pater, quod sero, lactique pro­
 hibitis substituat, *Quod modicum ingestum*
multum purgat. Ex quo prætereà liquet,
 ab Hippocrate non exhiberi lac aut se­
 rum, cùm catharticum validumque me­
 dicamentum interdicitur, vt quispiam
 sibi fingere potest, cùm id, *quod modicum*
ingestum multum purgat, quod seriuiua­
 men est validum sit, ac vehemens me­
 dicamentum. De morbo crasso Hippo­
 crati sermo est lib. de int. aff. *Huic,* in­
 quit, *cùm ita habueris, ventrem purgato, deor­
 sum quidem per hippophas, sursum verò per*
veratrum. & cum à veratro purgatus fuerit,

postera die lacte asinae cocto subpurgabis. & eodem lib. sect. 2. Et post clysteres, qui probè ducant, lacte asinae purgato heminis octo. sect. verò tertia loquens de morbo regio, Deinde, inquit, fomento adhibito, elaterium bibendum dato. tertio verò die rursus infrapurgato, cum lacte asinae. Sed clariùs 4. Acutorum in comitiali morbo & semifyderato, Medicamentum exhibere sursum purgans, nisi alleuetur. ad infernam verò aluum, si non subeat, infusum per clysterem adhibere. Postea verò lac asininum coctum bibendum dato & non minùs quam duodecim heminas bibat. si verò adsit virium robur (quo magnam purgationem, magnamque feri vim ferre possit) plus, quàm sexdecim. Hoc eodem libro velim attendas paulò accuratiùs febris ardentis curadæ rationem. Primò aquam, & aquam mulsam affatim bibendam consulit Hippocrates, deinde clysteribus utendum, mox vomitu, demum lacte asinae cocto purgandum: purgandum, inquam, non aluum, quam clysteribus expiauerat; non stomachũ, quam emundauerat vomitione; sed venosum genus, quod bile scatens, ardentem febrem concitauerat. Audio te clamitantem, illum librum non esse Hippocratis germanum. Hoc inane est victi perfu-

Aristo-
phanes
in Babil.
ex Suida.

gium; inane asylum; nec vnquã tibi erit *Hermionis vice*. si Hippocratis librum esse negas, Hippocrati æqualis esse doctrina victus fateberis. At Hippocrati æqualis nullus: ergo Hippocratis liber est. Captiuncula te vici, prius victum solida ratione, perspicua veritate.

At video te omnino tergiuersantem, renuentem scilicet hosce locos, tanquam de lacte non de sero loquentes. Ceterum si rem candidè & sine fūco spectabis, quod de altero asseritur, iurè de altero asseri posse fateberis. Lac sero, serum lacti sæpe ab Hippocrate substituitur, lib. de Mor. de Int. Aff. de Mul. Mor. alibi: *Lac asininum bibendum dato, aut serum caprinum decoctum.* & alio loco, *si verò non adfuerit serum, lac asininum coquito, & exhibeto.* alibi, *Lac asininum, aut serum bibendum prabeto.* Quid quodd, V. C.? te vt conueniam, te potius, quàm Hippocrate vtendum teste. in ipso capitis limine hæc habes, *Quod de lacte diximus, sero potest adaptari.*

Quid tandem his? inquires, quorsum hæc omnia? An vt probent, serum esse catharticum? Profectò non loquor *παράδοξα*; audi; nam

Æschil.
in Phryg.

Sæpe etiã est holitor valde opportuna loquutus.

nec vnaqueque
pocratis libet
qualis esse de
Hippocrati
pocratis libet
rius videtur soli
care.

tergiuerant
ce locos, ut
sero loquent
& sine fuso
eritur, iure d
s. Lac sero, b
ate subfina
de Mul. Mac
daro, aut p
loco, si con
cognito, d
ut serum bi
C. 2. te m
Hippocra
s limine
r, sero po-

orsum
m c
p

si ad catharticum constituendum ali-
quod medicamentum satis est, ut sua,
non aliena vi purget; ut non è solo ven-
tre, sed ab omni corpore, pluribusve eius
partibus bilem, v. g. proleat; serum
catharticum esse medicamentum, tibi
omnino probavi ratione, auctoritate, ex-
perimento. probavi, inquam, nisi Thi-
mone Niceo, qui nec rationi, nec sensui
credendum putabat, difficilior fueris, &
peruicacior. Neque deleas serum à ca-
thartorum albo, quod purget pluri-
mos humores, bilem, pituitam falsam,
humoresque exustos; quia *Medicamen-*
tum, ubi corpus intrauerit, primò quidem du-
cit id, quod sibi secundum naturam familiare
est, deinde alia trahit & purgat. Nescio
quid nutas de epithymo, serum purgare
innuens certos humores huius benefi-
cio. Candidè, velim, mecum ipse ani-
maduertas, epithymum à Galeno non
esse sero adiunctum, quod hoc nihil pur-
get, sed ut purget magis. Quemadmo-
dum enim 7. meth. Mulsæ à Galeno
additum est origanum, calamentum,
hyssopum, non quod ea non discutiat,
aut detergat; sed ut citius id præstet, fa-
cilius, valentius: ita sero adiunctum est
epithymum, roboris ergo, & promptio-
facultatis.

Hippo-
lib. de
Nat. H
tex. 10

Quinimo tuo te possem gladio iugulare, tuo vtens argumento. Ais pag. 31. serum alterare, subdis, *Hæc opinio non habet contrarium sibi Galenum: quippe Galenus veteres dixit ad soluendam aluum sero vsos fuisse, nec tamen alios vsus negauit.* Haud absimili ratione & ipse argumentor, Mesues, Galenusue vsus est sero cum epithymo ad purgandum; non tamen negarunt, serum absque epithymo purgare: neque igitur à te negandum est.

Zenodo-
rus.

Tu verò, qui putas, serum lubricando purgare aluos, dicas velim, (*nec mihi sis mutus Hipparchion*) liberè dicas, cur non purgat pituitam, solam bilem flauam, aut atram purgat? si lubricat, omnes quicumque obuiam fiunt, humores ducet: imò pituitam multò magis, cùm hæc vberior sit, promptior, magisque obuia. Mesues verò ait, *Purgat clementer, & sine morsu bilem flauam, & exustos humores:* idem Galenus ceterique.

Inquies, ex eo quòd bilem, vstosque humores purgare dicatur à Mesue, non propterea excludi pituitam, hac ratione vnumquodque medicamentum purgās vnumquemque purgare humorem, asseri posset. Polypodium, epithymum pituitam trahent; agaricus melancholiam;

rhabarbarum aqueos humores; exustos mechoacan; cætera cæteros sibi omnino cōtrarios, inimicos, & infestos. Non, inquam, hæc trahent ea ratione, qua dicitur ab Hippocrate loco superiùs à me laudato; sed primaria ratione, ut rhabarbarum purgare dicitur flauam bilem, agaricus pituitam. Sed hæc nugæ sunt, meræ nugæ. nam purgantium medicamentorum facultates omnino peruerteremus nihil certi de iis asserentes. Iam verò *ὅτι* * *κοιλιολυσίαν γίνεσθαι*, diutius non licet, ne stercorei medici esse videamur.

* In vē-
te exo-
nerando
occupa-
tum esse.
Cic. Att.
l. 10 15.

*An sero insit nitrum? Quidnam sit,
quod in fando vasis subsidet? De
seri deterfione aliorumque.*

CAPUT IX.

DE eo quod subsidet in vase distilla-
torio, modò mihi agendum tecum
est. Nitrum esse omnino existimo, quod
prius inerat in sero. Hoc autem non red-
debat ab eo ante distillationem ita
falsum, quia prius nitrum non erat for-

tasse ita falsum. nonnihil enim falsedinis adipisci potuit ex distillatione, calidum magis siccumque redditum. Quod enim in fundo vasis subsidit toto distillationis tempore, cùm distillanti igni proximum sit, magis exsicceetur, necesse est, non solum perenni validaque ignis actione (esto, verum sit, quod de distillatione dictitas) sed etiam sursum euolante eo, à quo perfundebatur, humore. Accedit, quòd vnumquodque distillatione separatũ à cæteris sui partibus acrius est, efficacius, validius. Etenim quam acredinem, acutiemue, exempli causa, in tartari sale, vini, aut aceti senties? quam vim experieris in gutta olei vitrioli? quam acrimoniam, aut aciditatem? Sanè & tibi pannos illico perforabit, aduretque, & ori admotum vix ferendam acrimoniam, aut aciditatem (nam acidum, non acre, sunt qui volunt esse oleum vitrioli) tibi promet? Quod si tu sumeres totum illud vitriolum, unde ea gutta, quæ panno aut ori admota est, fuit extracta; pannoque imponeres, aut linguæ admoueres; certè neque illum perforabis, neque hanc vlla effatu digna afficies acrimonia. Itaque non est, quòd mireris, si nitrum, in imo vasis hæ-

rens, magis falsum nitrosumue redderet distillatum serum, huic iterum si misceretur.

Sed videamus paulò accuratiùs, an reuerà nitrum sit, an potius exustum caseum, vt contendis: videamus mea, tua videamus argumenta. Nitrum esse puto, primò quia hoc in sero inesse, auctor est Mesues, comprobatur experimentum, cum eos, qui nitro tribuuntur, effectus serum præstet, vel teipso confitente. Secundò, quia ipsi sensui innotescit esse nitrum. nam mordet ferè cum falsedine. Hæc mea sunt argumenta, si non planè aperta firmaque tuis certè apertiora & firmiora. Quinimo tu hac in re nudus es, & inermis, *Ipsò nudior paxillo*. solùm asseris esse caseum, ignis vi excoctum, nulla id probans ratione: quasi assertio tua firmum sit argumentum, firma ratio; *Xenocratis testimonium, Metelli tabula*. Iam verò cum propriam fulcire nequeas opinionem, alienam labefactare contendis: sed incassum, & iniquo fato, Carneadi omnino contrario. nam vt hic *Nullam unquam rem defendit, quam non probarit; nullam oppugnavit, quam non euerterit*; ita tu (pace tua dixerim) quod defendis, nunquam probas; non expugnas vn-

Cic. Att.
lib. 1. ep.

13.
Val. 1. 2.
c. 5.

Cic. 2. de
Orat.

quam, quod oppugnās. Re doctus id intelliges, si tantisper mihi operam dederis. Nitrum, ais, non est, sed nitrosæ partes, à vero nitro longè dissidentes. Colligis id ex Galeno dicente, nitrosas partes esse subtiles (cuiusmodi, inquis, sunt feri partes) nitrum verò crassum

Cic. I. de
Divin.

esse ais, ac terreum. sed, mihi crede, *Non opus est Carneade ad hæc refellenda.* Dic sodes, dic, si me amas, putas ne ex eo, quòd nitrum solidum, nulloque respersum humore, crassum sit, & compactum, eodem modo crassum esse humore perfusum, & omnino liquatum? Profectò nitrum, aqua respersum liquatumque in aquam & humorem abit, euaditque tenue, penetrans, permeansque, abstergens, & aperiens. Sed demus, quod contendis, crassiusculum esse ex sese, num etiam tale erit nostro corpori? Non ædè pol id affirmabis, si memoria tenes, quæ superiùs ex Galeni sententia ab utroque nostrum dicta sunt. Medicamentorum qualitates definiendæ sunt non ex sese, sed respectu eius ad quod dicitur, hoc est, respectu nostri. Quare etiamsi demus, nitrum terreum esse, & crassum, cum tamen intra corpus assumptum attenuet, aperiat, detergat, non crassum,

sed subtile ut dicatur, habeaturque, dignum est.

Sed circa tua verba paulisper mihi ver-
sandum, *Nitrosæ partes appellantur* (agno-
sce tua verba) *non quia nitri substantiam in*
se habeant, sed quia detergente duntaxat qua-
litate nitri qualitatem imitentur. Ex eo igitur
nitrosum existimas, quòd nitri qua-
litate imitetur detergente sola qualita-
te, quòd solum detergat. Satis mirari
non possum! Quia serum detergit ni-
trosum appellas! *Heu prisca fides!* Nonne
vides, hac ratione aquam hordei, mul-
samque, imò omnia quæ abstergunt, ni-
trofa dicenda esse? Aperta res est. nam
ideò, ais, aliquid putandum est nitro-
sum, quòd abstergens sit: ergo quodcun-
que abstergens nitrosum appellabis ne-
cessariò. Sed hinc tu *Trioboli doctrinam ap-*
pingens, Chironium accepisti vulnus. Me-
dere si nosti artem: sed mihi crede, Ne
Mercurius quidem, ut à Galeno dicitur, cum
Musis mederetur. Sed eccum pharmacum;
præsto est ex tuo commentario: *Id omne,*
quod abstergendo euacuat, nitrosum putan-
dum. *Cantilena è scholis.* nam quod tantum
abstergit ab eo, quod prætereà euacuat,
distat solum secundum magis & minus, si
neutrum verè nitrosum. quod enim me-

Zenodo-
rus.

Cic. 1. de
Orat.

diocriter abstergit, inefficax est ad euacuandum: quod verò paulò validiùs, euacuat prætereà. At *magis & minùs non variant speciem.* ergo si omne, quod abstergendo euacuat, nitrosum dicendum; etiam quod non euacuat, paulò infirmius existēs, nitrosum vt dicatur, dignū est. Prætereà mel, verbi gratia, abstergendo aluum commouet: id sanè non dissimulabis. at hoc neque nitrosum est; neque nitrosum quisquam appellauit vnquam. Quod si nouam nitrosi significationem commentus, eam melli aptare volueris, vide, ne quasi *pygmaorum acrotinia colosso* potius adaptare videaris.

Philos-
tratus in
Niceta.

Iterum de feri partibus, deque distillationis vi, & natura. Quod primò ascendit, calidius ne sit, an frigidius?

C A P V T X.

DE tenuioribus feri partibus, quæ primùm in distillatione ascendunt, iterum postulas Obicium apud Galenum 10. meth. cap. 9. sed is pristina

actione nostra ita euasit ab tua accusatione, vt te potius Galenus condemnauerit. Itaque de feri partibus distillatione separatis non Galeno iudice, quippe tibi se uero & infesto, sed ratione ipsa cognoscente litigemus. Calidiores ais ascendere, utpote quæ subtiliores sint, ac tenuiores; subsidere frigidiores, ceu crassiores. Velim, vt seposita tantisper feri distillatione, rosam distilles, aut cichorium; imò absinthium, aut calamentum. Quod ex his abstrahitur, tenuius ne est, calidius, an frigidius eo, à quo abstrahitur, rosa, cichorio? sanè frigidius est. non solum enim tu ipse rosacea & cichoracea vteris ad refrigerandū, quippe valdè frigidis, etiam si in cichorio & rosa non exiguum caloris gradum inesse fatearis, vel ab odore victus, vel amore; sed ferè etiam calamenti, absinthique, si fortè Cardano credideris, & Montano. Ergo quod ascendit frigidior est pars rei distillatæ.

Neque dissenties ab hac philosophia, si paulò accuratiùs vim distillationis attendas. stilletur, exempli causa, cichorium. ex hoc, quæ primò ascendit, pars ea est, quæ cū tenuior, tum misto infirmius hærens, infirmius vnita. necesse

est enim, vt quod primò seiunctum à cæteris sursum repit, & agilius sit aptiusque ad ascensionem, & promptius ad separationem. Tenuius ergo erit, & minùs vnitum: hoc est aqueum magis, & magis fluxile. Itaque è cichorio, absinthio, aut calamento aquosiores primò abstrahuntur partes: ac pròinde frigidiores.

Neque verò radicibus duntaxat, herbis, aliisque humidioribus hæc consentanea esse putes; sed siccioribus etiam, calidioribus, vno ferme excepto vino. Distilla, verbi causa, aromata; ex aromatibus calidissima quæque cinnamomum, cariophyllum. Qui primò ex his in altum abstrahitur, humor sicuti tenuior est, subtilior, minùsque pinguis; ita frigidior, seu mauis dicere, minùs calidus. Aqueus ferè est, si substantiam spectes: si verò qualitates, longè minùs, quàm qui remanet, deindeque abstrahitur efficax. Etenim diuturniori distillatione ex terrestrioribus illis, crassioribusque partibus crassiusculus quidam humor elicitur, qui vt priori pinguior; & verè crassior, ita calidior est, & efficacior. Huius scrupulus plurimis eius drachmis virtute, caloreque præstat. Hæc vt tibi persuadeam,

persuadeam, non est quòd admodum laborem hermeticæ artis te peritissimum esse, iam pridem noui. Hæc eò spectant, vt intelligas, tum Cardanum, Montanumque non esse futes, aut ineptos, calamementi, absinthij, mentæ distillatas aquas fridas esse opinantes: tum si mentæ, absinthij, immo cinnamomi, & caryophyllorum, nedum rosarum, aut cichorij tenuiores partes fridæ sunt; verendum non esse, quin & seri partes tenuiores fridæ existant.

De menta, absinthio, calamento ex aliena sententia dixerim. De phlegmate, sale volatili, & fixo, æthereoque spiritu, scio quid comminiscatur Chimici: quos sicuti hac in re non aspernor, ita non veneror. Quod primùm distillatione abstrahitur in altum, non esse misti partem, vi non pollere eadem atque mistum, commentum est, & somnium, *Hibera nenia*. Quis enim aut Chemicorum, aut Chemicarum est, qui inficietur, feniculi, verbì gratia, distillatam aquam oculis non prodesse, lactucæ capiti, cordi florum aranciorum, stomacho mentha, vtero capillorum venetis?

Neque dicas, in hæc aquas, per se inutiles, volatilis illius, fixiue salis clam

De cali- nobisque inscijs portiunculam irrepisse
dioribus, aliquam, cui vis omnis, omnis aquæ vir-
crassiori- tus accepta referenda sit; quia aquam il-
bus, fri- lam merum esse phlegma, hoc est, effœ-
gidiorib. tum, inutilémque humorem, incoctum
renuo- miniméque subactum, neque proinde
ribusque partibus; de oleis,
aquis, misti naturam redolere mera tergiuer-
phlegma fantis Chymici esset assertio, merû com-
tibus, vt mentum, inane somnium. Illud etiam
vocat, monuerim de tenuioribus crassioribus-
rei distil- que partibus me non ita sentire, vt quæ
latemul- ta dicēda non hîc,
ta dicēda non hîc, in priua-
tis hisce exercita-
tionibus, sed in pu-
blicis, & forasse
edendis disputati-
onibus con-
tra Lusi-
tanum.

Cic. i. de
Orat.

*Serum distillatum an purget? Minus
ne, an magis alteret? Libanij locus
perperam à Roderico acceptus.*

CAPVT XI.

ITERVM atque acriùs instas, vrges,
infectaris Obicium, existimantem, stil-
latum serum & infirmius purgare, & al-

terare valentiùs. Inſectaris autem his
 verbis, *ſed porrige ſeri tui deſtillati heminas
 illas quinque aut plures, quas non deſtillati
 porrigebant veteres; diſpercam, niſi aluum
 ſoluat.* Iuras ſtillatum ſerum, vberri-
 ſumptum, omnino purgaturum. Et iu-
 rato tibi; & non iurato credo: quippe
 probè nouerim, vbertatis id eſſe pro-
 prium & copix. Thermaleſ aquæ, vel
 quæ per vrinx ductus innata quadam vi
 feruntur, vberri-
 mè ſumptæ aluum com-
 mouent. De niuerina, quæ armeno bolo
 prædita, atque adeò diuretica facultate
 aluum coartare deberet, re doctus id
 affirmo, in mèque recipio: non enim
 ſemper hîc λογιάζος εἰμι. Sed hæc leuia
 ſunt, nec diutiùs me ancipitem habue-
 runt. Libauij verò locus, (*de fumo nunc ad
 flammam*) quæ in tuû inſeruisti, vel potius
 alligaſti commentarium, incertum adeò
 dubiûmque reddidit, vt quo illum con-
 ſilio appinxeſ libello tuo, adhuc aſſe-
 qui, etiam ſi intenderim mentis aciem,
 non potuerim. Tuum in hoc capite con-
 ſilium eſt de ſeri partibus diſſerere, quæ
 aſcendunt, quæque ſubſident in diſtil-
 latione. Aiſ, (quod obſtrepit in qua-
 driuiis) tenuiores aſcendere, ſubſidere
 craſſiores. ſubdiſ de tenuioribus aduer-

Ammida-
 nus lib.
 14.

sus Obicium, has calidas esse, ac proinde inscitè ab eo exhiberi in febribus frigefaciendi causa. Instas in eundè, tenuiores hasce partes non esse ad purgandum ineptas, ut vult Obicium, sed multò aptiores, cum tenuitate abluant, detergant, repurgent, ut ais. Demum accersis Libauium, qua de causa dij norunt. Obicium alloquens hæc habes, *Sed si propius ad distillationem cupis accedere, consule spagiricæ artis peritos, inter quos optimum occupat locum Andreas Libauius, qui de sero sic loquitur: Sic ergo in tres partes diremptum lac est; nempe aëream, cum qua est & ignea, quæ separari potest distillatione: postea aqueam, & tandem terream, quam caseum vocant, sicuti aquâ serum.* (hæc Libauius, subdit immediatè Rodericus) *Iuxta huius auctoris sententiam id, quod prius in distillatione egreditur, propriè serum dici nequit, sed dicitur substantia aërea atque ignea: secundo loco serum conspicitur, ultimo tandem relinquitur pars terrea, seu caseosa.*

Cogendus est Musarum cœtus, consulendus Apollo, ut, quorsum tu cum Libauio, quorsum tua, eiusque verba, intelligamus. Verba Libauij, si per se attendantur, apèrta sunt, omnino apèrta; si conferantur cum tuis, omnino obscu-

ra. Ea tantum sibi volunt, tres esse lactis partes, per coagulum separandas, aëream, seu butyrosam; aqueam, seu serosam; terream, seu caseosam: igneam verò, quæ inest aëreæ, non coagulo, sed sola distillatione sciungi posse existimat. Quæ sicuti vera sunt, ita ad rem tibi propositam omnino inepta. neque enim quæ antea, neque quæ postea à te scripta sunt, Libauij loco aut probare, aut fulcire potes. Itaque hæc *Incudi redde*, cum *Nihil ad fides*.

Horatius
in Arte.

Lucianus
de saltar.

Sed est, V. C. cur à te veniam petam oscitantia meæ. Aperta sunt tua verba, aperta mens. Ais, Libauium asserere, quod primò ex distillato lacte elicitur, aëream esse substantiam, igneamque; quod verò deinde, serum esse; quod demum, esse caseum. sed heust tu, quid loqueris? Libauius lac distillat? sciungit lactis partes distillatione? Imò verò alio quouis modo sciungit, præterquam distillatione. Discrepant omnino opiniones nostræ. Mi Roderice; non verbis modò, sed vniuersa re, & tota sententia à te dissentio: & ut dissentionis meæ rationem habeas, Libauij sententiam hîc perstringere visum est: idque cò libentiùs, quòd non vulgarem doctrinam,

contritamque philosophiam contineat.

De resolutione per coagulum (sic enim inscriptum caput est) agere intendit Libavius: tresque præcipuos proponit modos, quibus natura ab inutilibus utilia, pura ab impuris segregare consuevit. Primum violentum per ignem; alterum putrefactorium per calorem extraneum; tertium fermentatorium per principium intrinsecum. tres hosce modos, à natura, *nullo edocta magistro* repertos, ait Libavius placuisse arti: ac propterea hanc excogitasse instrumenta, veramque rationem naturæ actionis æmulandæ. De putrefactionis, violentiæque per ignem imitatione cum superius egisset, persequitur modò fermentationis naturalis imitandæ rationem, & affert exempla, de naturæ quidem fermentatione seu efferuescentia in multo; de artis verò in lacte. Nam sicuti in illo, intrinseco quodam naturæ motu efferuescunt ita partes, & fermentantur, ut puræ ab impuris, tenuesque secedant à crassis; ita in hoc æmulantis artis adminiculo (coagulo, alioque) butyrum à sero, serum à caseo, caseus ab utroque facillimè secedit. Iam verò ex tribus hisce, quatuorue lactis partibus, quatuor elementis respon-

Hippocr.
erat.

dentibus (nam in butyro, aëri consono & affini, igneam inesse lactis partem, censebat Libavius) terream, & aqueam non solum coagulo ait secerari posse; sed etiam elixatione, simplici que quiete; pondere nimirum descendente caseosa terreaque parte, aquea & serosa inundante. Aëream verò sola quiete vix, ait, ab reliquis secedere, aut potius vix cogi in butyrum, & concrefcere: proindeque opus esse agitatione & motu, per quem dissipato spiritu, cuius opera liquata ea erat, ac diffusa, cogatur & concrefcatur. Iam verò ignea lactis pars nullo ex his modis aut cogi, aut separari potest à reliquis: neque coagulo, coctione, aut quiete, ut aquea, terreaque pars; neque agitatione motuque, ut aërea; sed sola distillatione, chymico nimirum opere & auxilio. *Sic ergo in tres partes diremptum lac est, nempe aëream, cum qua est & ignea (qua separari potest distillatione) postea aqueam, ac tandem terream, quam caseum vocat, sicut aquam serum.* Tu verò quàm latè vages, quàm aberres à mente Libavij, iam notissimum est. Tu ais Libavium distillare lac, at Libavius tantum abest, ut id distillet, ut potius ab eo capite distillandi artem rationemque arcens, solo coagulo, co-

atione, aut quiete illud separaret, aut coniungat. Tu ais, quod primùm distillatione elicitur, propriè ex Libauij sententia serum nō esse, sed partem aëream.

At Libauius, præterquam quod, vt dixi, lac non distillat, neque propriè, neque impropriè serum esse ait; sed esse florem lactis, cremoremque, siue, quod idem est, butyrum. Quod sanè tu videris nullo intellexisse modo: nam si sciuißes aëreā lactis partem dici à Libauio florem, cremorem, & butyrum; profectò non scripsisses, *Iuxta huius auctoris sententiam id quod prius in distillatione egreditur, propriè serum dici nequit, sed dicitur substantia aërea.*

Lucian.

Contra verò Libauius ait igneam, quæ butyro inest, lactis partem non nisi distillatione secerni posse. Tu autem eius mentem non assequutus, eius mentem corrumpis.

Iam verò adiungis Quercetani locum, sed qua de causa, vix, puto, tute nosti. Sanè *Mandrabuli more tibi res succedit.* Non enim connexus est locus cum Libauij loco, non cum inscriptione capitis, non cum iis, quæ præcedunt, non cum iis, quæ consequuntur, cum consequantur nulla. Ergo non loco locum, sed

Sophocles.

Morbo quidem morbum addidisti tu alterum.

Quod facit ad vim distillati feri, magis hoc refrigerare, illud argumento est, quod subtilius sit, ac tenuius, ac propterea facilius peruadens per omnes corporis partes: cumque nitrum exuerit, partes calidas utique deposuit, Empyreuma, inquires, ei accessit. Mendosè. nam κατὰ τεχνὴν distillato sero partes nullæ accedunt calidæ. sed hac de re cap. 14. 15. 16.

An serum hecticæ opportunum? Galeni locus expensus, aliter atque à Roderico explanatus.

C A P V T X I I.

SERVM an febribus sit vtile, discipulas nono libri tui capite. & de hectica quidem id omnino affirmas, annuente Galeno 10. method. 11. vbi apertis verbis scriptum est, asininum lac hecticis esse opportunum. Opportunum autem, inquis, quia serosius: ergo serum, ais, hecticæ opportunum. Acutum sanè; & subtile argumentum, quod ego verum vellem. Cæterum veritatem inda-

gans subtilitatem subtilitate compenso. Galenus asininum lac, quod serosius est, magis commendat hectïcis. Esto. At non propter serum: adeò vt humor ille hectïcis sit opportunior, sed propter frigiditatem eius lactis maiorem, maioremque humiditatem. Itaque formalis ratio, vt *ὑπερπνεῦστος* loquar, cur lac asininum in hectica cæteris præferatur, humiditas est, & frigiditas. Quòd si hæc qualitates lac haberet absque copioso sero, sero hectïcis non esset opus. Quare non licet sic ratiocinari, serosius lac hectïcis vtilius; ergo serum vtile, vel propter serum. nam si æquè frigidum humidumque vaccinum esset, licet minus serosum, magis tamen probaretur, cùm magis nutriat firmiùs adhærens, æquè refrigerans humectansque. Illud tamen animaduertas lac asininum non esse frigidius quia serosius, itavt à sero frigus accipiat. sed potius è contra, serosius esse quia frigidius: adeò vt serositas ex frigore, non frigus ex serositate nascatur. Ex frigidiori animalis temperamento frigidius lac gignatur oportet, ac proinde serosi humoris vbertas & copia. Hæc hætenus

— *Nunc retrorsum*

*Vela dare, atque iterare cursus**Cogar relictos.*

Horat.

Ad hæticam reuertor: quam accuratiùs hîc perpendere visum est, vt enunciati mei clariùs innotescat veritas. Hætica calidum est, siccumque intemperamentum: atque ita calidum & siccum, vt partes solidæ exaruerint, ferèque absumptæ contabescant. Quare in hætica duplex scopus maximè spectandus est, alter intemperamento, extenuationi alter propositus. Itaque medicamentum ad hæc opportunum huiusmodi esse debet, vt humectans & refrigerans facile, multùm, citòque nutriat. Nihil ergo lacte accommodatius: quippe frigidum humidumque est, facile adhærescens, facile nutriens vel ipsius affinitate naturæ. Illud, inquam, accommodatius, quod frigidum magis & humidum promptiùs valdèque nutriat. Asininum magis frigidum, minùs nutrit; vaccinum magis nutriens, minùs frigidum est. Illud intemperamento longè aptius, hoc opportunius tabescentiæ. Quod si hoc illius haberet cùm frigiditatē, tum humiditatem, etiamsi minori præditum esset feri copia, omnium tamen opportunissimum (his saltem spectatis) fermè censendum esset.

Vides ergo ex hac ratiocinatione, serum, aut serosum lac, ut serosum est, hecticis non valdè utile, non valdè opportunum: siue mauis dicere, non propter serositatem extolli a sinu lac, & præferri à Galeno.

Cæterùm video, qui obiiciant illud Aristophanis in Ran.

Aperitiùs mihi loquere, atque indoctiùs.

mea nimirum verba (eorum caligine & asperitate) non assequeuti: hecticamque proinde spectandam esse dicent, ut calidum est, siccumque intemperamentum; non ut tabe macieque absumpsit corpus & confecit: hacque ratione serosius lac opportunius, hoc est serum ipsum: sed

Lucianus de Apophrade Serosius 3. En. Suidas. verè hi, *Camarinam mouent, excitantque, ut dicitur, octipedem.* Serosius lac opportunius est, quia frigidius humidiusque. Ratio igitur formalis, cur præferatur, humiditas est & frigiditas. Itaque licet ita quidem argumentari, serosius lac hecticis magis commodum (utpote magis frigidum, & humidum) ergo frigus & humiditas magis commoda. Non verò ita, serosius lac opportunius, ergo serum ipsum opportunius. Iam verò si ne modò quidem me audire velis, à meorum asperitate, obscuritatèque verborum, in

oscitantiam tuam: in tuam peruicaciam
 culpam deriuabo: & iurè deriuabo, cùm
 hæc mea non sint aut *Teucrum Pacuuij*,
 aut *αἰγάβλημα ἀρχιμήδειον*.

Cic. 1. de
 Or. idem
 Att. 1. 13.
 cp. 28.

*Serinitrositas. Quomodo lac, præsertim
 asininum, nitrosius, quomodo serosius
 censendum sit?*

C A P V T XIII.

QUò me cunque rapit tempestas, deferor
hospes. Verè in syrtim delatus sum,
 in scyllam libelli tui. Diu, fateor, mul-
 tùmque laboraui, vt consilium tuum as-
 sequerer. Assequutus tandem fui, atque
 ita assequutus, vt omnino mihi sit inse-
 quendum & consectandum. Probare ni-
 teris, serum non esse nitrosum huiusmo-
 di ratiocinatione: Si serum nitrosum, lac
 etiam nitrosum esset: immo (quod inde
 sequitur) quò serosius lac, eò nitrosius
 esset. Ex quibus absurda quædam in ad-
 uersarium deriuas, hæcticis nempe, qui-
 bus ex Galeni sententia serosius lac, vt
 asininum, opportunius est, nitrosius esse
 opportunius: imò ipsum ipsum nitrum.

Cic. Q.
Frat. I 2.
cp. 14.

At reuerà asininum non est, inquis, nitrosius, quamuis serosius, cùm ex Galeni sententia minùs acre sit. Hæc est tua doctrina & argumentatio, à me hîc *picta coloribus tuis penicillo meo*. Itaque tu verè existimas (posito serum esse nitrosum) & lac nitrosum esse, & quò serosius, eò nitrosius necessariò asserendum. Ego ut de lactis nitrositate tibi assentio, ita planè dissentio de nitrositatis augmento pro rata portione serositatis. Haud difficulter in meam te alliciam opinionem, si tantisper mihi operam dederis. Mulsum (vinum mulsum, mellitum vinum) aquæ misceo: exempli causa, quatuor mulsi vncias, quatuor vnciis aquæ puræ. Mox eidem vasi duas addo mulsi vncias, tres quatuorve aquæ puræ putæ. Hoc mistum, quod sex continet vncias vini mulsi, estne dulcius eo, quod quatuor prius continebat? Sanè si eodem tu, quo cæteri, palato præditus es, nequè magis dulce, neque mellitum magis senties. At plus mellis habet, plus mulsi. Nimirum. sed crescit aqua superatque vna alterave vncia. Hæc si attendas planè intelliges, quàm acutè de sero nitroque ratiocineris. Quò serosius lac est, eò nitrosius: asininum nitrosius esset, quia sero-

fius, apertè falsa. Tu, qui hoc in loco aduersarium in simulas argumentationis vitiosæ, nonne vides tuum argumentationis vitium? Nonne vides tuum in æquiuocationem lapsum? Nonne vides ab extensiuè (fas sit loqui) ad intensiuè te argumentari? Vides profecto, nisi *Lo-lio victites*. Serosius lac nitrosius est, de nitri extensiori gradu id si affirmares, verè affirmares: de intensiori, vt verè affirmas, falsò affirmas.

Plautus
in Mil.
a. 2. l. 3.

Iam verò *ἐναργείας* ergo & hoc addam, sicuti non omnibus lactis generibus eadem inest feri mensura, cum alteri cumulatior, exilior insit alteri: ita non omnibus feri generibus eadem nitri copia. Calidiora animalia, etsi minùs feri, plus tamen nitri gignant, oportet: frigidiora minùs nitri, plus feri. Itaque sicut ex asella plus feri emunges, ex capra minùs; ita ex eius sero minùs nitri, ex huius extrahes multò plus.

Irridebis fortasse me, tanquam tuam non oppugnantem sententiam, sententiam non assequutum. Profectò non tam mea hebetudo, quàm præposterus eloquutionis tuæ ordo, eloquutionis obscuritas erroris mei culpam sustinet. Verè tua verba variè interpretari possum.

quod si consultò fecisti, calliditas, si oscitantia, oscitantia culpæ affinis esto. sed hîc sisto gradû, stylum contraho, quasi non audens meum interponere iudiciû, ne fortè tua scriptura similis sit *Pyrrhandri, Vlyssisque commento, aut Silenò Alcibiadu.*

Plato in
Conu.

Socratis.

Sophocles.

Cæterûm enodatiûs explica sententiam tuam, & ego optimos imitabor medicos, qui

Πικρὰν χολὴν κλύουσι φάρμακῳ πικρῷ.

*An serum aliis febribus præsertim acutis utile? Εμπύρεμα potatum serum an nitrosius calidiusque? Conci-
liatoris & Math. de Gradibus
expensa loca.*

C A P V T XIV.

Hippocrates ne lac quidem timet in caufone: Galenus serum aperte commendat, tanquam innoxium, imò omnino utile & salutare: nullum in eis vitium, quo corpus possint afficere, videntes. Tu verò, Hippocrate & Galeno oculatissimis viris oculatioꝝ, multa perspicis infero vitia, ob quæ in febribus illud

illud damnes. Nollem tam lynceus esses; ne tua nimia perspicacitate acutiorque acie Hippocrati & Galeno lippitudinis inuras notā, hebetudinis, oscitantia. Viderunt Hercules & illi quæ in sero te vidisse ais: imò ijs ducibus, eorumque luminibus ea tu vidisti: sed neglecta fuerunt ab eis tãquam innoxia. Neq; necessitate coacti, hoc est mitiorum medicamentorum inopia lac aut serum vsurparūt, quia non pauca æquè leuia habuerunt ad purgandum & idonea & innoxia, mercurialem, maluam, betam, cartamum, cætera.

De nidore, quod addis, aciditate & corruptione *χυμὸν ἐπικρείας*. Namin stomacho vel bile referto vel æstuante calore id fortasse accider. Quod si neutro stomachus vitio alioque insigni labefactus sit ut plerumq; solet in feb. in his certè commodum erit serum, vtile, salutare. Quinimo cum Hippocrates in pulmonū erysipelate, hoc est in æstu ardoreque thoracis, cordis, hepatis, atque adeò præ bilis incendio in vniuersi corporis conflagratione ad lac nedum ad serum confugit quo corporis restinguat ardorem, effrenatamque bilem compescat excandescentem demulceat, noxiam euacuet, non est, cur tu in mitioribus morbis, in leuioribus

Hesychius.
* Pelli-
cum au-
xilium
infirmū
argumē-
tum fu-
tilis ra-
tio.

febris illud damnes atque vituperes. Times aciditatē & flatus. Facile timorem, si patieris, tibi absterget Hippocrates, qui lac exhibet acidum cructanti, ac vomenti; ventrem murmure, torminibusque dolenti, ut videre potes lib. 2. de Mor. lib. de int. aff. alibi.

Iam verò ab Hippocratico ad Hermeticum forum litem transfers. Accusas Obicium postulatione apud Chymicos delata. Destillatum ab Obicio serum empyreuma adeptum contendis, hoc est, calidas quasdam acresque qualitates, igneasque particulas; quasi propriū distillationis sit partes indere calidiores. Ceterum contentus esse debuisses cucumeris aqua, nymphaeæ, lactucæ, quas nullum in distillatione acquirere empyreuma, tam certum est, quàm quod certissimum. Immo scias velim, empyreuma nasci ex immoderato igne, ex diuturniore ad ignem mora, ex materiæ, quæ stillatur, conditione. Etenim si rem quampiam sicciorem calidioremque intemperato igni diuturniori tempore committas; certè ignis vi, mora ve, aut materiæ conditione calidæ quædam exhalationes hinc adnascuntur, quibus calidior, acriorque reddatur. Econtrariò si

blando igni moderatoque decenti tempore vel idemmet, vel potius aliud quippiam non tam aridum distillandum subiicias. nam paulatim & blandè fursum repunt tenuiores partes, subsidentibus crassioribus, nulla ignis vi adustis. Hinc est, quòd magis damnandum sit coagulum, quod innuit Galenus; quàm Chymica distillatio. Nam certo certius scimus, coagulum, præsertim caprinum, si misceamus lacti, calorem adiungere: nitrosas verò partes si distillatione separemus, calorem adimere. Iam verò ingruis in Obicium *Σὺν δοῦ*, vt ait Aristophanes, *σὺν ἀπιδ*, Conciliatore nimirum & Matheo de Grad. Hi asserunt, potatum serum calidiorem quamdam ac nitrosiorem inducere qualitatem. Ex quo tu multò magis, inquis, inducet ex distillatione. *Conchas legere videris.* Ego sanè mirari satis non possum, quàm fieri possit, vt tu, qui dudum Galeno non credebas, modò Conciliatori tam facile credas. Etenim, rata sint, omnino firma, quæ infirmè à Conciliatore mutuaris. An proinde putas eis nos oppugnare? putas expugnare? Ne sim, si eminus, nedum cominus pugnas: *Lactis aquam in penetratione ad pectus, & pulmones recipere à*

Cic. i. de
Orat.

membris quandam caliditatem nitrosam, meritò suæ passibilitatis. Hæc de non stillato sero scripta sunt à Conciliatore, vel potius de non stillando, non verò de stillato. nam hoc aliter sese habet. Vulgare serum eatenus adipiscitur à calore nostro nitrositatem, quatenus *Passibile est*, nempe, quatenus aptum magis, dispositum, & symbolum. quod enim nitrosum est, nitrumve non exuit, nitrosius faciliè euadit *Meritò suæ passibilitatis*, symboleitatis suæ. Distillatum verò serum, cum nitrum deponat, symboleitatem utique amittat necesse est: atque adeò passibilitatem, promptitudinem, ac dispositionem.

Serum sereno aëri commissum, an exuat calidiores sui partes, necne? Multa de expressione, frigido aëre, vino argente.

C A P V T X V.

A Qua, & igne interdici Obicio, à Medicorum vniuersitate cum longissimè exfulare iubes, quasi Majestatis

crimen patrauerit, serum afferens, vt exuat calidiores partes, Chymicorum officinæ, distillationi committendum. Longè aliter, inquis, apud præstâtissimos quosque medicos in more positum est. non igni, vt Obicius, sed frigori, serenoque aëri serum, quò calidas acresque partes deponat, concredere consueverunt. Nam ambientis frigoris vi abeunt calidæ feri partes per expressionem extrusæ. Pulchra quidem ratio doctrinaque, & vt prima fronte videtur, *Ex ouo nata*. sed fas sit loqui cum Horatio,

Introrsum turpis, speciosus pelle decora.

Nam illud primò meminisse debuisses, quod secundo Exercitationum nostrarum capite scriptum probatumque est, tenuiores nimirum partes frigidas esse, crassiores verò calidiores. secundò, quæ cap. 9. ac 10. vbi itidem probatum, in distillatione partes calidas subsidere, sursum frigidis perreptantibus. sed te inuitum mea iterum vt legas non cogam. Illud sanè attendas velim diligentérque perpendas, quâ fieri possit, vt tenuiores euolent è sero partes, vndique frigore obsistente? Quinimo compellantur introrsum, occludantur, densentur, exituque clausis poris prohibeantur neces-

se est. Opportuniùs meo quidem iudicio calidiusculo aëri serum committes, vt partes inde tenues excludas. Quod certè apertiùs intelligi potest ex Gale-
no 4. simpl. 15. vbi ait lac & prissanam æstate faciliùs acescere, quàm hyeme. Acscit autem, vt fateris, tenuibus expirantibus partibus. sed de expressione (siquidem ansam præbes) quæ sèro tenuiores, atque, vt ais, calidiores partes expirant, tecum paulò accuratiùs differere consilium est. De hac ita sentio. Cùm aliquod (quoduis) humore madidum à frigore obuallatur, alterum ex his accidat, vel potius vtrumque accidat, necesse est: vel vt ipsummet in sese cogat ab inimico frigore refugiens; vel vt frigus obuallet, obsideat, circundetque illud, quodcunque sit, & obstringat. Quauis ratione id fiat, facilè exprimitur inde humor, elabiturque, sed ne veluti Mithæus quispiam Agamemnonem simulare videar; meumque putes id esse commentum, & somnium, audi Hippocratem lib. de Loc. in Hom. *Fluxiones sunt & perfrigerata valdè carne, & excalescèta. Fluxiones propter frigus sunt, cùm caro in capite, & venæ tensa fuerint: hæ enim horrente carne & ad angustias perue-*

niente, adstrictaque & excludente humiditatem exprimunt, & simul etiam carnes ipsæ expriment.

Cùm igitur ita sese habeat expressio, velim, ipse mihi declares, quam ratione ab ambiente frigido exprimi possint è sero tuæ illæ tenues partes! In capite, aut non absimili parte facilè id accideret; cùm hoc humore plenum, à frigidoque ambiente coartatum, introrsum humorem cogat exprimatque necessariò. At serum à frigore nocturno obuallatum vndenam, quæ ratione exprimet tuas illas tenues partes? Ex ore vasis? Minimè gentium. Frigidum enim circumstans & occludit poros vasisque, & introrsum tenues partes compellit. Non ergo elabi possunt, vndique obistente frigore.

Neque dicas, vinum efflare spiritus & evanescere sereno frigidoque aëri commissum: primò quia longè faciliùs efflantur tepido, quàm frigido aëre. Deinde quia vini spiritus adeò subtiles sunt, tenuésque vt nonnisi vi quadam in humore suo cohiberi posse videantur. proprio enim impulsu promptè euolant, nisi probè coërceantur. Frigus autem tantùm abest, vt eos exprimat extrudatque,

vt introrsum potius compellat & occludat. Argumento est vinum niue refrigeratum; cuius spiritus à frigore introrsum ita compulsi sunt & retusi, vt gustatui non ita sese promant, atque dum niue non algent. Non esse autem abolitos niualis frigoris iniuria, sed verè obtusos interiusque coartatos, ex eo liquet, quòd non secus caput petat vinum niue algens, inebrietque, ac dum nullo riget frigore. Non euolarunt ergo vini spiritus frigore expressi, sed introrsum compulsi latitabant. Illud tamen verum est, à maximo, gelidissimo, perpetuoque frigore, quandoque fieri expressionem, vt accidit in frigida distillatione: frigore nimirum efficaciore tunc ad expressionem, quàm ad meatuum exclusionem. De vino illud addo ex eo algente nunquam videas subsultare granula à spirituum vi sursum pulsa, vt è vino non algente: nimirum quia à niue & spiritus compulsi sunt introrsum, & occlusi meatus densataque substantia. Ridebis, non secus ac *in diuitijs Crasi teruncij accessio*. Si nam, cum probè nouerim, *Non omnibus omnia æquè suauia, nec Iouem ipsum omnibus placere.*

Cic. 3 de
finib
Plaut. in
asin. 2. 3.
sect. 3.
Theog.
in sent.

Rursus stillatum serum, aquæ empyreuma : Serum stillatum, an verè serum?

CAPUT XVI.

— *Vigor hausturus latium, sic cetera Martis Adiumenta forent.* Silius
lib. 16. de
Hannib.

Planè contriuiſſes Obicium, funditus deleuiſſes, ſi vis reſpondiſſet animo, reſpondiſſet auſo. Conatur Obicius diluere, quæ contra ſerî diſtillationem afferri poſſunt; & empyreuma inſirmare conatur, exemplo deſtillatæ lactucæ, nymphaeæ, cucumeris, quæ in alembico calorem nullum, (potestate) nullum empyreuma adipiſcuntur. Acriter inſtas aduerſus hæc, vanam futilemque eſſe diſtitans comparationem ſerî cum nymphaea: cum hæc, quanta quanta eſt, frigida ſit, omnis ſerè caloris expers: ſerum verò non exiguum habeat caloris gradum. Quare hoc non vrilla poſt diſtillationem in eadem frigoris conditione perfeuerabit, ſed paulò calidius, quàm antea, euadet. Sed hæc tua ratio Lari, & Cæpphi parturientis ſimilis eſt. Intelli-

ges id profectò, si, tantisper scposita
 nymphaea, lactuca, cucumere; cichorium
 distilles, rosam, opium, cetera, quæ licet
 frigida sint, partes tamen habent, 'vt tuû
 nostrumque serum, non mediocriter ca-
 lidas. Aquæ, ex his extractæ, sunt ne ca-
 lidæ? Deposuerunt profectò calorem in
 alembico, cùm deposuerunt eas partes,
 quibus inerat amaritudo. Idem de sero
 senties, si sapis. Exuit certè & hoc eas
 partes, quibus hærebat acedo, ama-
 ror, vel potius falsedo. Gusta, nisi cre-
 das, stillatum serum; gusta non stillatum.
 Iam verò, quasi *extrito pulvere*, iterum pe-
 tis Obicium, alio stipatus argumento.
 Serum, inquis, si calidas, acresque distil-
 latione amisit partes, pura erit aqua, pu-
 ra puta; nulla vi, nulla præditum virtu-
 te. Hanc rationem, quam docti quidam
 viri, & sanè docti, quasi ex tripode di-
 ctam, existimant; ego (liberè loquar)
 Τὸ Δίονος γρὺ dignam puto, quæ refella-
 tur. Sed vt argumento argumentum
 conuincam, betonicæ aquam oppono,
 fæniculi, agrimonij, poligoni, cetero-
 rum huiusmodi. Nonne horum distilla-
 tæ aquæ exuerūt saporem omnem, acrimo-
 niam, odorémque? sensu iudice, ra-
 tionéque exuerunt. Ergo hæ puræ sunt

aquæ? Apage. Tu sanè aliis omnino de causis aqua betonicæ & fœniculi, atque pura puta vteris.

Sed accuratiùs hîc inquirendum est, an stillatum serum, serum sit, verè serû. Duplex argumentatio; altera aduersus te sero nitrum eripientem; altera aduersus eos, qui vel vberimum sero impertiuntur nitrum.

Te vt refellam, non est cur admodùm laborem. nam distillatione, ais, caseosæ tantùm partes separantur. quod enim in imo vasis subsidet, caseosæ, inquis, sunt mistæ sero partes. non ergo serum. quicquid igitur sursum euolat, serû est. Cauillaberis fortasse hæc, inquires, neque illud serum esse, sed humorem à sero natum, à sero longè diuersum. Quæro, liquor hic est ne verè nouum mistum, nuper natum distillationis vi: an idem quod prius, purius tamen, atque subtilius, tenuiusque? Primum, si me audies, non asseres,

Vulneri vti ne quis vulnus tibi forsitan addat. Homer.
I. Iliad.

nam peruertis spagiricam artem, hermeticorum pharmaca funditus euertis. Audi: si nouum est mistum, veteris corruptionem præcessisse, necesse est. ergo priores interierunt qualitates, postero-

ribus recenter genitis. At scimus, eademmet permanere ; sensu iudice , ac teste scimus. Permanent, inquires , sed è misto migrant in mistum cōmunis subiecti beneficio. Mendosè. nam si qualitates agentis vi deletæ non sunt, quî fieri potest, vt deletum sit mistum, ad resistendum propulsandamque agentis actionem multò fortius? si feri qualitates distillatio non corrumpit, neque ferum corrumpet. nam hoc non minùs, quàm illæ, contrarium & inimicum est igni distillanti. imò si hoc continuum est, iis intercedentibus contrarium. Prætereà si nouum semper mîstum distillatione generetur, idem semper mistum generatur. Patet: quia idē semper agens, eadem semper agentis virtus, eadem qualitates, eadem semper dispositiones inducuntur in quodlibet, quod distillatur, subiectum. Necessariè igitur idem semper nascetur mistum. Varietatem fortasse acceptam referes mistorum varietati, quæ igni distillanti subiiciuntur. Caue. nam ignis si generat, ignem semper, aut ferè semper generat. particularis hic causa est, non vniuersalis sol solus, aut ferè solus varia gignit, herbas, plantas, ranas, mures, pecudes, leones,

homines. hæc, inquam generat, aut saltem generare potest nullius adminiculo.

Neque ignis, ex accidente agentis, diuersitatem effectuum sobolem esse dicas: quia quod non per se, sed ex accidente fit, non semper fit, sed aliquando ex accidente. At varietas hæc nunquam ex distillante igne non nascitur: ergo non ex accidente, sed per se nascitur. Itaque affirmemus utique necesse est, ignem distillatione non corrumpere prius mistam nõ generare posterius; sed mundius illud reddere, purius, concinnius, sordibus absterfis, fæcibus, immunditiis.

Hæc accuratiùs mihi perpendenti, ignemque distillantem attendenti, misera videbatur huius conditio: & quasi summa illa, qua ceteris omnibus longè præstat, vi & facultate spoliatus, à communi agentium cætu, quasi *Διονύσιος ἐν κοίῳ*, exfulare videbatur. Etenim vel Cic. Att. l. 9 11. infirmissimum agens, ineptissimam tractans materiam, sibi que acriter resistentem, tandem aliquando sibi similẽ creat effectum, aut non absimilem inde sibi concinnat. Vnumquodque enim agens ideò agit, ut id, in quod agit, sibi assimilet. Ignis maximè omnium agendi vi

pollens, minimè omnium finem, agentibus propositum, assequeretur. Huic distillanti vel si aptissimam subiicias materiam (sulphur) nunquam tamen videas, quod distillatum est, ignis induisse formam. Persistamus quæso in sulphure. nam hoc vel obstinato tibi persuadebit, destillationem non corrumpere vetus mistum, nouum non generare. Occlude sulphur in vas distillatoriũ, ignis vi committe eo consilio, vt flores inde colligas, tenuiores nempe, & puriores eius partes, vt è ceteris distillatione solet. Ignis profectò tibi cudet non mistum aliquod à sulphure diuersum, sed ipsummet purius atque concinnius, omni vel plurima exutum face.

Blaterabit fortasse quispiam peruicax flores sulphuris non esse sulphur, verum sulphur. Latentes rerum formæ non nisi propriis se nobis promunt accidentibus, propriisve effectibus. Sulphur stillatum eodem, quo non stillatum sapore præditum est, eodémq; colore, virtute planè eodem naturaque. Nam ignem concipit, ardétque eodem, quo antea, imò faciliiori modo: exsiccat, calfacit, scabiei medetur & lepræ, lūique veneræ: serpentes, formicas, culices arcet atque

interimit; omniaque præstat, quæ à non stillato, sublimatove præstari solent: ea tantum si excipias, quæ à tenuitate prohibentur. nam aquis immersum non ut solidum, & non stillatum multis sæculis intactum perseverabit. Itaque stillatum sulphur sulphur est numeris omnibus absolutum, immò magis absolutum perfectumque. Quod si fætidum & graueolentis sulphuris veritatem subodorari graueris, velim, ut Mercurium saltem attendas. Distilla, sublima, præcipita, aliquovis modo igne tracta hoc metallum (minerale verius dixerim) Mercurij tamen formam nunquam abolebis. Nam sicuti Mercurius Hermes etiam si varias induat formas & personas, musici, mercatoris, furis, nuncij, lanifici, cytharædi, solis, zephiri, æris, veris, &c. semper tamen Mercurius est, Cæli nempe, ac Dicit filius. Ita Mercurius metallum etiam si redactus sit in pulverem, humoremve, aut per distillationem, aut per præcipitationem, aut per sublimationem, aut alio quovis modo quamvis aliam induerit formam, semper tamen propriam tueretur naturam, insitamque à natura formam. Nam etiam ex præcipitato & sublimato in pristi-

nam argenti viui formam redigitur.

Cic. Att.
14 13.

At video te, à meis victum argumētis, quasi *Talaria induere*, vt fuga salutem petas. Mane, hīc adesto, & audi; quæ contra collegas tuos nunc promo. Vides iam in secundam me irrepisse argumentationem, eos nimirum oppugnare, qui nitrum sero tribuentes, illudque ex hoc distillatione separari posse autumantes, negant tamen distillatum serum serum esse: quippe hoc ex plurimis constans substantiis, aquea, nitrosa, &c. si dissoluatur per distillationem, abeat in elementa, ex quibus conflatum est, aquam, nitrum. Hæc superius à me dicta labefaciunt: labefaciunt & hæc: Acetum stillatum acetum est: omnino: gustatus iudex esto, aduersarij gustatus. Præterea dicas, velim, num rhabarbarum, ex hermeticorum officina prodiens, rhabarbarum sit. Certè si molem quis spectet, vt solent idiotæ, rhabarbarum non est, abiit enim in substantiam formamque ab illo diuersam. At si vim virtutemque omnino rhabarbarum est, purgat enim bilem, vt antea, atque adeò valentiùs: eodem sapore, odore, virtutēque præditum. At exiit plurimas sui partes: exiit, fateor, sed non exiit

exuit essentiam, naturamque

Sed inuenior Parthus mendacior.

Horat.

pollicitus eram, te præterito, alios meis
petere argumentis. At *Cacus Mars est ini-*
ta pugna: quemcunque obuiam oppu-
gnaui. sed reuerà *ipse tibi malum, ut tur-*
dus, cacaſti, pugnandi mihi præbens oc-
caſionem. Itaque illud Ouidij tibi canit

Parce-
miograp?

Heu patior telis vulnera facta meis.

Hermetica artis antiquitas: An Hip-
pocrati & Galeno cognita, quomodo
cognita.

C A P V T XVII.

Disputas contra aduerſarium tuum
de Chymicæ artis natali. Iniuriâ:
Nam nullus vnquam Medicorû conten-
det, hanc quaſi nuper natam adhuc va-
gire in incunabulis. Etenim vel qui Spa-
gyricorum ſcholas à limine ſalutarunt;
eos de antiquitate huius artis ſeſe ia-
ctantes audierunt. Et quidem apud A-
rabes in uſu poſitam fuiſſe Chymiam, li-
quet apud Raſem, Meſuem, Auicen-
nam, Geberum: quorum ſcripta qui non
voluit, iſtantum ignorat, eos chymicos

fuisse præstantissimos. Quinimo floruit hæc ars nongentis prope annis ante hos Arabas, Theodosij nimirum Imperatoris ætate, Heliodoro, si Cedreno habenda fides est, de Chrysopeia scribente. Et Iulius Frontinus tempore Flauij Constantini circa an. Chr. 320. Hermeticæ cultores extitisse, memoriæ prodidit. Immo 50. circiter annis ante Constantini Magni Imperium, Diocletiano Domino, apud Ægyptios floruisse Chymiam, proditum est à Suida. Nam Diocletiani mandato conquisitos fuisse ait Chymicos omnes libros, ignique traditos, vt ne iterum confecto auro rebellerent Ægyptij. Adhuc antiquiorem, imò longè antiquissimam hermeticam facit hic idem auctor. nam aureum vellus, ad quod repetendum argonautica expeditio facta à Iasone fuit circa an. mundi 2700. ante Diocletiani dominationem, 1530. circiter an. nihil aliud fuisse ait, quàm librum, in quo ars conficiendi auri traderetur. Quinimo 300. prope annos ante Græcos heroës Herculem, Orpheum, Argum, Castorem, Pollucem, Iasonem, apud Hebræos claruisse Chymiani, imò mulieribus notam, sunt, qui tradant. Non solùm enim eo tempore

Mosem (quem auctorem plerique faciunt huius artis) spagyricam ferunt excoluisse, sed etiam Mariam eius sororem artis fuisse peritissimam. Casaubonus auctor est, Parisiis in Bibliotheca Regia huius fœminæ de Chymia cōscriptum librum asservari. Maiorem natu, imò natu maximam, & , vt dicitur, *Antiquiorem, quàm Chaos, & Saturnalia tempora*, nonnulli esse censent hanc artem. Non solùm enim ad Hermerem (vnde Hermeticæ nomen) Trismegistũ, Mercurij nepotem spagyricam referunt, sed ad ipsum Adamum, humani generis principem & seminarium. Itaque vt hæc nota sunt, vel certè nota esse debent etiam ijs, qui primoribus modò labris hermeticam degustarunt; ita apud me certum est, antiquis illis temporibus omnino rudem incultamque fuisse. Nullam enim artem videas, statim natam, statim adultam. nam sicuti magna vi hominum, industriaque nascuntur artes, ita sensim adolescunt perenni cultura, summa diligentia, solertiaque diuturna.

Quare vt verisimile est, notam fuisse Hippocrati, viro meherculè πολυμαθεστάτῳ, atque adeò Galeno omni, & ipsi, doctrinarum genere instructo hermeti-

cam artem, ita rudem eo tempore incultamque fuisse, æquè verisimile est. Non enim puto, vel in usu, vel frequentius in usu positam apud eos fuisse artem distillandi aquas, herbas, flores, radices, æs, argentum, aurum, metalla, fossiliaque omnia, lapides ipsos, ipsum cælum, si cæli frustulum haberi possit (nam *Huc... mortalis progressa potentia cura.*) Et apud Galenum quidem, vel nullum, vel subobscurum, etiamsi Lynceus esses alchymix artis vestigium aduerteres. Locus tamen est i. simpl. 18. vbi nescio quid videretur innuere. De aceto loquens hæc habet: *Atque ego sanè non multum abest, quin eorum laudem sententiam, in eamque promptè accedam, Proque hac assertione & opinione pericula omnia subeam, si quam machinam, aut artem inuenire possem sicuti in lacte contrariarum partium separationes, ita hic quoque. Nunc autem quia lac uniuersum non sit homiomeres & simile, neque undequaque sibi idem, clarè monstrat eius coagulatio, excogitata videlicet multis hominibus ratione, qua partes caseosæ à serosis separari possint. Atque neque tale quid repertum in aceto est, neque manifestò demonstrare possis, quantum eius est tenue, atque exactè humidum refrigeret. Quod verò secundum facis substantiam*

Clau-
dianus.

in eo defertur, velut in vinis calefaciat. Nam ea solum ratione aperte quis probauerit, ex contrariis ipsum partibus consistere sicut lac. Haud absimili, subobscuro, rudique modo nota fuit Hippocrati lib. 1. de dicta 17. de auro potabili aliquam facit suspicionem, Aurum operantes tundunt, lauant, molli igne liquant, forti autem non conflatur, ubi verò elaborauerunt ad omnia vtuntur.

Roderici de Galeni mente opinabilis diuination. An stillatum serum humectet, ac refrigeret? refricatur Microcosmi distillatio, & macrocosmi: Aqua maris quomodo dulcis euadat?

CAPVT XVIII.

Magna mihi controuersia hinc tecum est, nec vilo componenda modo, quàm Galeno ab inferis reuocato. Perscrutaris Galeni mentem; disputas, quid modò ageret, si nobiscum degeret: an distillaret serum, si distillandi artem calleret. Sanè aliorum animum intimè speculandi; nunquam mihi animus. nam

Euripi-
des in
Hippo-
lyto.
Aristo-
phanes
apud
Zenod.
Suida.

Non sum augur, abdita scire vti queam palam.
Tu verò longè animosior, fidenter in
Galenì mentem peruadis, eiusque, qua-
si ad *Apollinis holmum cubaueris*, aut *Vul-
canus tibi vaticinatus esset*, intima lustras
penetralia. Sed attendamus hanc vati-
cinationem tuam. Galenus, inquis, non
distillasset serū purgationis causa, quia
distillatione seiūgitur interitve ea pars,
in qua purgandi vis inest. Neque altera-
tionis, quia, inquis, *si ad alterandum vel
humectatione, vel refrigeratione aliterare vel-
let.* (Galenus) *si humectatione, non erat con-
ueniens substantiam distillatione subtilem
reddere, quæ cito transiret, quippe ad hume-
ctandum tempus exigitur.* Existimas itaque
Galenum non distillasse serum ad hu-
mectandum, quia humectatio non sta-
tim fit, non continuò, sed tempore &
paulatim. At serum stillatum, cum sub-
tile sit ac tenue, statim præterlabitur, ne
paululum quidem commoratum.

Probè noui ex optima solidaque phi-
losophia, cuilibet actioni physicæ non
solum opus esse agentis vi, patientis ap-
titudine, horumque accommodata vi-
cinia, sed etiam congruenti tempore
moraque. Nulla enim actio (si forte ge-
nerationem, illuminationem, & coagu-

lationem excipias) statim fit, &, vt loquuntur philosophi, in instanti; sed tempore sumptoque spatio. Probè etiam noui, sicuti caloris, siue, vt veriùs loquar, calidi virtutem agendi validiorem esse, & velociorem; ita infirmiorẽ se-
gniorẽque esse humidi. Et quemadmodum illud validiùs, citiusque agere; ita fortiùs hoc, & diutius resistere. Iam verò (quod omnino animaduertas velim) actionis mora aut tempus non definitur solùm ex agentis vi & facultate, sed etiã ex aptitudine patientis. Quare licet ignis citiùs agat, aqua tardiùs; ille tamen seriùs ferrum calefaciet, hæc citiùs humectabit pannum. His ita constitutis, aduertamus animum ad stillatum serum. Etsi enim tenue hoc subtilẽque est, ac proinde facilè præterlabitur; non hinc tamen fit, vt eas non afficiat alteretque partes, per quas præterfluit: quippe carneæ eæ sunt, valdeque aptæ ad actionem suscipiendam. Neque enim tibi fingere aut potes, aut debes, nictu oculi serum elabi & præterfluere: nam hæc

Sunt apinæ, tricaque, & si quid vilius istis. Martialis, lib. 14.
Quinimo iam distillatum serum tenuius fit, humectabit faciliùs, faciliùs pene-

trans, seseque insinuans per omnes car-
nium meatus: atque pertingens ad lon-
gissimas quasque particulas. Certo cer-
tiùs scio, temet ad hoc vt aqua magis
humefaciat, acerum addere, quod eam
attenuans, & quasi subtiliorem reddens,
longiùs deducat. Itaque serum distilla-
tum & intensiuè, vt ita loquar, & exten-
siuè multò, quàm antea, validiùs hume-
tabit; multò longiùs, ac latius.

Sed perpende, si libet, si tibi est otium,
stillatam lactucæ aquam, quæ veluti im-
petu quodam ingenito ad caput aduo-
lat. Velim dicas mihi, num hæc stoma-
chum humefaciat, hepar, cæteras, per
quas, caput petens, præterfluit partes?
Sanè vt ingenuus, id non dissimulabis.
Itaque, vt *nectam ultima primis*, Galenus
serum vsurpasset (siquidem cogis me,
quod nolebam, diuinare de Galeni men-
te) humectationis causa.

Videamus modò, numne ad refrige-
randum? Et hoc tu negas, causamque
negationis affers, quòd falsedo non se-
paratur distillatione, sed augetur po-
tius, aut communicatur: vt patet ex
Microcosmi distillatione, cum hæc non
rarò è capite fluat falsa. Tua hæc est ar-
gumentatio, tua philosophia, quæ vt

clariùs innotescat, tua ipsa verba, et si longiuscula, hîc adscribam: *Nonne membra nostra ita fabricavit natura, ut officinam chymicâ representent? ita sanè. calor nanquè innatus destillationes, cohobationes, & omnem separandi artem molitur. Visne etiam, ut microcosmus, macrocosmo, idest mundus iste parvus, mundo magno comparetur? esto, & destillationes quæ fluunt è capite ex vaporibus illuc ascendentibus, comparemus plumæ, comparemus etiam alembico: utrumque cum bonis autoribus faciemus. Quid inde? nonne destillatur multoties à capite materia salsa? maxime, & destillatio salsa à medicis dicitur. Iam ergo hinc edocti evadere possumus salsedinem non extrahi destillatione. Tibi benè sit, qui me à maxima expectatione liberaisti. In toto tuo Commentario anxius semper expectavi, ut de tuo Microcosmo aliquid promeres. En tandem habeo, quod desiderabam: sed ita tamen, ut id accuratè mihi sit perpendendum & examinandum. Existimas igitur, te καὶ δὲλα probare posse, stillatum serum non depo-*

Rodericus scripsit de Meteoris Microcosmi.

nere calorem in alembico, sed eum potius adipisci: ac proinde exhibendum non esse ad refrigerandum, quòd distillatio non rarò è capite fluat salsa. Non ita se res habet, mihi crede: longè alia

est microcosmi distillatio à macrocosmo. Exploremus vtramque atque adedò mutuam, si quæ est, inter has cognationem exploremus: quodque proinde in rem præsentem ex ambobus derivare possimus.

Quòd facit ad Microcosmum, hoc est ad catarrhum, caput rotundum & cavum, impositum est omni corpori tanquam cucurbita: huiusque more humores trahit è stomacho, iecinore, liene, hypochondriis omnibus, omnibus subiectis partibus: & hæ etiam partes ultro humores vaporesque impertiuntur capiti. Qui deinde vel suomet impetu in subiectas inde partes labuntur (de humoribus id intellige, vel etiam de vaporibus, in humorum formam vi frigoris concretis) vel certè caput iis lacescitum eos pellit fugatque. *Non enim moratur in capite, quod influit, nisi caput simul agrotet.* Hac ratione se habet fluxio & catarrhus, cum *συμπνοὴ* nascitur.

Quòd verò facit ad falsedinem, hæc fluenti inferitur materiæ (fluxuræ veriùs dixerim) vel in capite, cum mora tenuiores eius partes à calore absumuntur; & propterea crassiores, ac terreæ quodammodò falsescunt: haud absimili ratione

Hippocrates de
Gland.
tex. v.

qua maris aqua, vi caloris tenuioribus amissis partibus, concipit falsedinem: vel certè eiusdem moræ beneficio (maleficio potius) eadem materia aliquam subeat aut putredinem, aut speciem aliquam imaginemq; putredinis. At quovis modo id fiat, certum esse videtur, in capite gigni falsedinem: annuente etiam Hippocrate lib. de loc. in hom. 22. *Fluxio non est falsa, utpote non è cerebro.*

Iam verò si materia distillans falsescat in capite, inter microcosmi, & macrocosmi distillationem nulla planè cognatio, nulla omnino intercedit similitudo. Rem tute diligenter perpende, & iudex esto. Macrocosmi distillatio non in capitello, ut vocant, quod vel frigidum est, vel vergit ad frigus; sed in vase, quod calore feruet, concepit falsedinem: Microcosmi verò omnino è contra, in capite, etiam si infernæ partes, ut stomachus, quasi algeant. Imò fluxio distillare potest falsa, etiam si caput ex infernis partibus materiam non mutuetur, sed ipsummet sibi gignat. Qua ratione quantum distet microcosmi distillatio à macrocosmi, perspicuè videt vel *Cumano stolidior, & Æacidarū genere.* Iam verò si materia distillans falsedinem contraxerit

Cicero 2.
de Divin.

non in capite, sed in iecinore, aliaue inferiori parte, altero ex his modis id contigisse necesse est; vel nimio hepatis incendio, vel humoris biliosi mistione (rarum sit, quod vulgo dicunt de bilis miscella: nam etsi vix adduci possum, ut credam, amari mistione falsum nasci posse mistum; tamen impræsentiarum vniuersitati medicorum contradicere, non licet, non libet) si bilis societate falsa euaserit distillans materia, expiscare, obsecro te, huius cum alembici distillatione cognationem aliquam & similitudinem. Etenim vel lippi vident; apertè vident, distillantem hanc materiam, etiamsi nunquam ascendisset, descendisset, distillasset, tamen falsam esse. Non ergo ex distillatione falsedinem adipiscitur. Non ergo vlla intercedit similitudo inter microcosmi tui & macrocosmi distillationem.

Si verò falsescat materia calido nimis hepatis intemperamento, exsiccante nimium & absumente partes tenues nimio calore visceris; contra nos tu incassum agis, argumentoque *pistillo retusiori*. Nam sicuti hæc distillatio ex nimio calore adipiscitur falsedinem (nam moderatus iecinoris calor numquam fal-

sum tibi promethumorem) ita distillatione alembici falsa fiet, cum perperam, non ex arte igni distillanda materia committitur: cum hic nimius est, incongruus, adurens. Præterquam quod enim tunc promiscuè sursum feruntur tenues, crassæque partes, nulla congrua separatione facta; quæ remanent, adurantur, nedum falsescant, necesse est. Longè verò secus, si moderato igni eam distillandam committas. paulatim enim ac blandè sursum repunt tenues partes moderata ignis actione affectæ subsidentibus crassis, nulla ignis vi adustis, vel salitis. Tu itaque ex arte, non perperam elaborata alembici distillatione nobiscum pugnare debes: siue microcosmi distillationis similitudine macrocosmi distillationem non perperam, non præposterè factam, sed κατὰ τὴν φύσιν, sciteque, à tuique simillimis elaboratam, falsam esse probare debes. Proba, si potes, materiam congruenti moderatoque igni commissam à perito artifice falsam evadere. Sanè ut è moderato iecinoris calore, ita è congruenti calore alembici falsam nunquam elicies distillationem. Hæc adeò aperta sunt, adeò clara, ut nobis adnitendum non sit, apertiori

comprobare argumento. non enim, ut cum Horatio loquamur,

Sincerum cupimus vas incrustare.

Iam verò, nisi piguit ea attendisse, illud præterea intellexisti, quàm inane sit argumentum tuum è sudore accersitum. Audiamus tua verba : *Aliud tibi exemplum proferam, sudor fit etiam ex vaporibus concretis, & sudor ut plurimum nitrosus habet saporem.* Ab inferis reuocare videris Empedoclem, qui tantum tribuit sudori salso, ut mare ideò salsum esse dixerit, quòd terræ sudor esset. sed hæc opinio, utpote Poëtarum figmentis cognata, abeat ab Academia, exsulet à Lyceo. Illud monuerim de sudore: sicuti hic, vel te ipso confitente, non semper nitrosus est, ita stillatum serum non semper nitrosus, nitro à distillatione accepto. Et quemadmodum sudor tunc nitrosus est, cum partes, vnde manat, nimio calore feruent; ita serum tunc solum nitrosus, cum vas, vnde sursum euolat, immoderato igne æstuat: hoc est, cum distillandis ab rudi ignaroque Chymico malè accipitur. sed de his alibi dictum est fusiùs: ad ea quæ sequuntur, accedamus.

Ab igne descendis in aquam, Icarì, ut videris, casum renouans: maiori Icarì

salto. Nauigas Oceanum, sed minùs tu-
tò, imò periculosè. nam, reflantibus phi-
losophiæ austris, periculum non medio-
cre est, ne ad scopulos allisa doctrinæ
tuæ naui, eius non mediocre facias nau-
fragium. Sed spectemus hanc nauigatio-
nem tuam, quò cursum dirigat, quem
portum teneat: siue potius nauale cer-
tamen, quasi extremam triariorum pu-
gnam spectemus: *Tandem, inquis, aqua
maris non vique simplici distillatione dulcem
efficies. Ex quibus concludis, serum di-
stillatione non reddi mundius, puriusue,
non calidas, non salitas aut nitrosas par-
tes exuere. sed Linum lino nectis.*

Lusitanus es, hoc est, rei nauticæ pe-
ritissimus: esse profectò deberes, si Lusi-
tanus. Qui, longa, minimèque portuo-
sa nauigatione suscepta, haud rarò aquæ
dulcis caritate laborant, quædam ha-
bent vasa, è nescio qua terra lignove
constructa, quæ vacua obturataque in
mare demissa breui implentur: per-
meantibus nimirum in vas per cæcos il-
los meatus tenuioribus aquæ partibus,
crassioribus ingressu prohibitis. Hoc,
quod nostri temporis nautæ, aut terreo,
aut ligneo vase præstant, è cera confecto
præstabat Aristoteles. Quæ per hæc vasa

Parce-
miogra-
phus.

Lib. 4.
Metaph.

Arist. 13.
Quæst.
sektionc.

permeat, aqua dulcis omnino fit, palatoque suavis. Quinimo scias, eandem maris aquam decoctam & refrigeratam vsui esse ad potandum: quia nimirum Decoctione terreum falsumque partim subsidet, partim attenuatur. Accedit, quod è lana, lateribus appensa nauigiorum, dulcis humor exprimitur. Et mare argilla percolatum amittit falsuginem. sed hac in re consulendus est Medicinæ & Philosophiæ Dictator perpetuus, eique omnino acquiescendum. Eius hæc sunt verba lib. de Aëre, Aquis, & Locis, *Aquæ pluuiiales leuissimæ sunt, ac dulcissimæ. primum enim sol; quod tenuissimum est & leuissimum in aqua, educit; ac sursum rapit. Clarè autem hoc ipsum mare facit: quod enim falsum est; istuc relinquitur; quod verò tenue est, sol sursum rapit.* Hæc omnia V. C. si attendas, omnino & ingenuè fateberis distillandam maris aquam simplici distillatione dulcem euasuram, palatoque suauem.

Tex. 17.
* Res
quæpiã
variis re-
ferta reb.
ut Com-
mētatiũ,
Oratio,
&c. Pro-
rietamẽ
dicitur
poculum
quinque
variis li-
quoribus
plenum.
† Pocu-
lus, quo
amicitiæ
vel con-
seruandæ,
vel ad-
piscendæ
gratia
propina-
batur.

Iam verò planè animaduerto, me quasi nouum construxisse * πεντάπλοον. Vellem † φιλοπίσιος potius esset: quo bibito dissentionis nostræ aboleretur memoria, reconciliataque gratia, ἀλκυονίδας duceremus dies. Vale. Romæ 1631.

Hæc

Hæc habui , Triumviri sapientissimi, quæ in Commentario C. Philetij duabus hebdomadibus animaduersi, volanti ad vos ne dum currenti calamo scriberem. Vos, quibus, tanquam Æsculapio prognatis , commissa nostræ reipub. salus , creditaque est , vt hæc (scio) ad communem vtilitatem, commodumque referetis , ita peruelim , vt si quando urbaniusculè lusi, aut castigavi liberius in deteriore id nunquam accipiatis partem. Non enim cò me gloriæ cupiditas adegit, vt alieni nominis ruina ad amplitudinem splendorémque mihi viam sternerem. Valete Romæ Cal. Octob. DDCXXXI.

Ab immodestia vindicatio.

NUnquam putavi, tam arctos esse, & angustos modestiæ fines. paulò eos patere latius, & existimaui semper, & existimationis specimen, cùm sese mihi obtulit occasio, liberè dedi. Itaque si quando hac in re peccare visus sum, sic habeto, *Non tam impudenti mihi id ascribendum, quàm, quid dicere videatur, penitus ignoravi.* Quinimo & illud eximit me à

culpa, exemplo id fecisse, exemplo, inquam, eorum omnium, qui huius generis scriptionem aggressi sunt, Libauij, Sigonij, Scaligeri, Aleandri, Santorelli; imò religiosissimorum hominum ac modestissimorum Iesuitarum, quos contra Pescertium scribentes (*Efflatio Pulveris* inscriptus liber est) exuisse diceres moderationem modestiamq; omnem. Nihil dicam de Sigonio, qui Robortellum tam malè accipit, tam variè agit, distrahit, diuellitque, vt non sine admiratione Emendationum librū legere queas. Nihil de Robortello, qui ad eò acer est in Erasmus, Alciatum, Manutium, Muretum, Casteluctrum, vt culicū naturam, quæ ad dulcia non aduolant, sed petunt acria duntaxat, induisse videatur. Prætereo Santorellū, è cuius libro si demas aquileos & querelas, schedula potius, quàm volumen erit. Missum facio Libauium, qui *rudem, crassum, ignarum, ineptum, ridiculum, amentem, delirum, maniacum*, appellat Riolanum. Prætermitto Scaligerum, qui Cardanum appellat *audacem, turbidum, lutulentum, falsum, prauum, inscium, ridiculum, ambitiosum, inconstantem, ineptum, inconsideratum, confusum, nequam, barbarum, vacillantem, crassum, tardum, ine-*

ptum, rudem, tenebricosum, impudentem, stultum. Eiusdem doctrinam monstruosam, vacillantem, ignavam, lacunosam, inanem, mancam, absurdam, impiam, ambitiosam, falsam, miseram, inconsideratam, frigidissimam, rudem, confusam, impudentem, impiam, pessimam. Quid dicam de neoterico illo, qui aduersus quemdam senem medicum scribens, ita librum inscripsit (*Deliramenta hæmophobi*) si inscriptio ipsa, quæ ut *Domus Cesaris non solum crimine, sed suspitione criminis vacare debet*, contumelia est, quid de descriptione, volumineque sperandum vel timendum potius? Quid dicam de Riccobonico, Grucchio, Aleandro, Schioppio? quid de Romanis ipsis, hoc est, de antiquissimis illis, sanctissimis, prudentissimisque viris, qui eò sedulo incubuerunt omnes, ut adolescentes statim atque prætexta toga deposita, virilem sumpserunt, accusando viros nobiles, honoribusque functos ad gloriam sibi aperirent? sic L. Crassus Princeps in eloquentia C. Carbonem; sic M. Cicero C. Verrem; sic M. Cælius C. Antonium Ciceronis collegam accusauerat. Hos omnes, ceterosque quotquot ex Latinis, Græcisque sunt, prætermitto breuitatis studio. vnus ille Andreas Eu-

dæmon-Ioannes mihi sit instar omnium, quem velim, isti religiosuli & verè fastidiosæ quo animo diligentèque attendant, spectentque scriptoris personam, qui Catholicus est, Religiosus, & Iesuita; quid scribatur, quæ de re, hoc est, de religione, de Sanctis, de Christo; aduersus quem scribatur, aduersus hæreticum maximæ tum doctrinæ, tum auctoritatis & existimationis apud Reges: quem irritare acerbiori scripto, quàm periculosum sit catholicæ fidei, quamq; perniciosum, notius est, quàm vt à me innui debeat. Ex sexcentis propè locis, quæ obiter notauimus, nonnulla hîc adscribam: illud prius si monuero, me non ideò proferre huiusmodi loca, quòd eadem ego, vel simillima in Lusitanum scripserim; sed vt mea potius ex iis innotescat moderatio modestiæque. Nam in meo Commentario nullas vnquam iniurias, nullas omnino contumelias, calumniasque, aut obtrectiones reperies; sed quædam tantùm dicteria, vrbauitates & iocos: quæ non solum patitur genus hoc descriptionis, sed quoduis aliud, longè diuersum, longè modestius. Neq; existimes (quod plerique ineptè ac pueriliter putant) vnumquodque scribendi

genus laudationes desiderare & præconia: quia sicuti, quo ad stilum pertinet, diuerso modo historia scribitur, atque dialogo; diuerso epistola, atque oratio; ita apologia, quod facit ad scribendi rationem, diuersè scribenda est à commentario, vel simili. Et quemadmodum satyra, exempli causa, stilum requirit liberum, atque solutum, vitia reprehendentem carpentem mores, in maledicta interdum, & quasi in obrectationes pronum; ita apologetica, & censoria scriptio iocos amat, vrbانيتates, & dicta: quibus nempe aduersarij lepidè concinnèque refellatur opinio, propria comprobetur, inferaturque faciliùs in lectoris animum. Quod non animaduertens Medicorum vulgus, non solùm omnia eodem stilo scribenda putat, sedque optimi scriptoris munere functum pueriliter existimat, si, iocis & vrbانيتatibus posthabitis, præconium aduersario appinxerit; sed etiam inscitè & ineptè vituperat, quæ ex arte, & doctorum virorum præscripto scripta sunt. sed hæc παρέργως dixerim, Eudæmon-
Ioannem, Lector, velim legas, in refutatione Exercitationum Casauboni: de quo plura non disputo: nam hæc bono

facilique homini satis; fastidioso & per-
uicaci plusquam satis.

Sed (Candide Lector,) quid multis
opus est? quid exteros accerso? ipse Ro-
dericus à Castro, in quem nos acerbius-
culos esse putant fastidiosi, hîc præsto
sit, suamque dicat de modestia senten-
tiam, verbo & scripto eam attestetur.
Lib. 2. Meteor. Microcos. cap. 5. Capi-
uaccium, præstantissimum omnium no-
stri temporis peripateticum, eximium-
que medicum, Vaccini capitis hominem
appellat. Montanum Ignauum, Claudi-
num turpiter Galeni mentem inter-
pretantem, Iouberti Pontijque scri-
pta, *Non sine risu excipi posse*. Licetum
(quem virum Dij boni sæculi nostri or-
namentum & decus) *Insanire libuit hunc
hominem*. Quid? Non Italos modò, Gal-
losque, sed ipsos Hispanos, de quorum
obtreptatione vel patria pietas eû tem-
perare debuisset, maledictis laceffit.
Franciscum Vallesium, clarissimum il-
lius gentis lumen, doctissimum pruden-
tissimumque senem Insanum appellat.
Quid? Aristotelis prolatum indignum
esse ait, quod inter Philosophos verse-
tur. Galenum peruicacem appellat, pro-
teruum, pertinacem, turpiter philoso-
phantem.

Lib. 3.
cap. 9.
Lib. 4.
cap. 2.
Lib. de
Astita-
Ibidem.

Lib. 4.
Meth.
Micro-
cos. 2.
Lib. 2.
cap. 1.
Lib. 1.
cap. 13.
Lib. 3.
cap. 51.
Lib. 2. c. 5.
Lib. 4.
cap. 12.

Ceterum huiusmodi conuicia sicuti omnino damno, & longissime à meo scripto exfulare iubeo; ita iocos & facetias amo, laudo & in apologetica atq; cēforia scriptione tanquā leporē quendam & salem desidero. Immo, ut sūmus ille ingeniorū apex Iul. Cæs. Scaliger dicere solebat.

Quemadmodū conuiciū mucro verborū est, ita iocus splendor ferri orationis. Blaterēt igitur, obstrepant, utque canes lunæ splendori latrent quicunque vel pingui crassaque minerua, vel maleuola & iniqua peruicacia rectum à prauo, falsum à vero diiudicare nesciunt. Mihi certē fat esse videtur, modestique scriptoris munere videor planē functus, si in hoc scribendi genere iis omnibus modestior fuerim, qui boni scriptores, qui candidi, quique religiosi esse censentur. Quod si quis eo nomine immodestix me accuset, quod iuuenis senem reprehenderim; is sciat non tantum senectuti tribuendum, ut ea quasi numē aliquod persanctē augusteq; colenda sit. Vulgatū enim esse debet illud Plutar. *In sola sparta expedit senescere.* sed frustra cano, surdeque, ut dicitur, fabulam narro. Itaque *Manum de tabula:* cum hæc (repeto) bono facilique homini satis, fastidioso & peruicaci plusquā satis.

In Laco-
nicis.

A Teren-
tio.

Cicero
ad Fam.

F I N I S.

Priuilegium Regis Christianissimi.

CAutum Priuilegio Regis ne quis in suo Regno aliisve locis suæ ditioni subiectis intra sex proximos annos *Persij Treui ad librum de Sero lactis, &c.* absque Sebastiani Cramoisy Bibliopolæ Parisiensis Iurati, permissu, imprimat aut diuendat à die publicationis horum exemplarium: qui secus fecerit, multa indicta prout amplius in diplomate Regio continetur, mulctabitur. Datum Parisiis.